

四庫全書

經部

欽定四庫全書

詩緝卷十九

宋 嚴粲 撰

鴻鴈之什

小雅

鴻鴈美宣王也萬民離散不安其居而能勞來還定安

集之

勞來還音滂齊旋○王氏曰勞者勞之來者來之往者還之擾者定之危者安之散者集之至

于矜寡

矜音鰥

無不得其所焉

此詩流民所作述使臣之勤勞能布宣其上之德意

也美使臣所以美宣王也王者事業以民為本可以

見興復之規模矣

鴻鴈于飛

傳曰大曰鴻小曰鴈○疏曰鴻鴈俱是水鳥其形鴻大而鴈小春則避陽暑而北秋則避

陰寒而南○曹氏

曰喻小大皆離散

肅肅其羽

傳曰肅肅羽聲也○陳氏曰其羽急疾○今曰小星

肅肅宵征毛以為疾貌則此亦為羽聲之疾也

之子于征

歐陽氏曰之子使臣也

劬勞于

野

劬音衛○傳曰劬勞病苦也

爰及矜人

矜如字○箋曰及此可憐之人

哀此鰥寡

興也言大鴻小鴈之飛轉徙無定居其羽聲肅肅然

急疾如厲王之後民無小大皆奔散也鳥棲皆有常

處唯鴻鴈春北而秋南故以喻民之不安其居宣王  
於是遣使巡行而安集之之子使臣奉命征行病苦  
于野不敢安寧調卹之澤及此可憐之人而尤哀念  
於鰥寡以離散之民皆可念而其中有鰥寡者尤可  
念也

鴻鴈于飛集于中澤

傳曰中澤澤中也○箋曰猶民見還定安集○曹氏曰鴻鴈之趾連

蹄不能握木故易以鴻漸于木為失所不安之象書以彭蠡既豬陽烏攸居為得其所

之子于垣

音素○疏曰垣牆也

百堵皆作

堵音睹○傳曰一丈為版五版為堵○疏釋傳曰五版為堵謂累五

版也版廣二尺故周禮說一堵之牆長丈高一丈○箋曰春秋傳云五版為堵五堵為雉雉長三丈則版六尺○疏釋箋曰五版為堵五堵為雉定十二年公羊傳文也謂接五堵成一雉何休取韓詩傳以版長八尺古之雉制書傳各雖則勛勞其究安宅朱氏曰究終也

鴻鴈集于澤中喻還定之後民有居止之安也使臣所至使民築其垣牆為安處之計百堵同時而起且勸勉之曰汝今雖勛勞其終有安居也

鴻鴈于飛哀鳴嗃嗃

音邀○釋文曰嗃嗃聲也○曹氏曰民初得其所歸皆嗃嗃然赴訴

於使維此哲人曹氏曰民稱謂我勛勞維彼愚人謂我

者

使者為哲人

宣驕

傳曰宣示也。○今曰猶宣淫之宣。

離散之餘初有定居生理未復故如鴻鴈嗃嗃然哀  
鳴赴訴於使臣使臣能撫恤賑濟之於是流民稱此  
使臣明哲故能知我之劬勞若使彼愚人為使臣將  
謂我宣恣其驕求索無厭也此云者指見在之人彼  
云者設言其人耳

曹氏曰見宣王  
選任之明也

鴻鴈三章章六句

庭燎

音療

美宣王也因以歲之

歲音斟

○釋文曰歲諫誨

之辭○疏曰若病之須歲

之辭○疏曰若病之須歲

之辭○疏曰若病之須歲

之辭○疏曰若病之須歲

之辭○疏曰若病之須歲

之辭○疏曰若病之須歲

之辭○疏曰若病之須歲

之辭○疏曰若病之須歲

○解頤新語曰歲猶鍼砭鍼音歲砭破驗反○董氏曰傳云百官官箴王闕此詩其司烜之屬所為乎恒況遠

反與嚇兮

烜兮同音

美其勤也慮其勤之易怠故從而箴之

夜如何其

音基○釋文曰其辭也

夜未央

說文曰未央中央也

庭燎之光

曰傳

庭燎大燭也○疏曰庭燎者樹之於庭燎之為明是燭之大者秋官司烜云邦之大事供黃燭庭燎注云樹於門外曰大燭門內曰庭燎不同者以彼燭燎別文則設非一處庭燎以庭名之明在門內故以大燭為門外以文對故異之耳其散則通也郊特牲云庭燎之百由齊桓公始也注云偕天子也庭燎之差公蓋五十侯伯子男皆三十是天子庭燎用百古制未得而聞要以君子物百枚並而纏束之今則用松葦竹灌以脂膏也

至止

傳曰君子謂諸侯也

鸞聲將將

音蹠○曹氏曰將將聲之大

玉藻云朝辯色始入君日出而視之今宣王中夜而起失於太早詩人設為問荅之辭曰今夜已如何乎乃夜未半也庭燎已設而有光諸侯皆來朝聞其鸞聲之大將將然蓋來者多而其聲揚也然未辯色則未可以入是太早也所以箴之○舊說相承以夜如何其為宣王問夜今不從

夜如何其夜未艾

毛音礙鄭音刈○王氏曰未艾未及盡也○李氏曰左傳昭元年秦后子



云一世無道國未艾也

庭燎晰晰

音制○傳曰晰晰明也○朱氏曰小明也

君子至止鸞聲噦噦

音誨翹翹音同○傳曰噦噦徐行有節也○曹氏曰噦噦聲之微

自夜未半而庭燎已光諸侯先至者待之久矣既而

至於夜未盡庭燎晰晰然其光漸小諸侯之繼至者

其鸞聲之微噦噦然蓋來者稀而其聲殺也亦箴其

早也

夜如何其夜鄉晨

鄉音嚮

庭燎有輝

音暉○朱氏曰有輝天明而光散也○今

曰易未濟卦其暉吉也程傳云暉光之散也暉輝義同

君子至止言觀其旂

鄉晨則庭燎光散諸侯之後至者可見其旂於是辨  
色而始入乃朝之時也何必太早乎○舊說皆謂自  
未央而未艾自未艾而鄉晨為始勤終怠之意如是  
則此詩作於宣王怠政之日而追述其前時之勤耳  
是刺而非美矣所謂因以箴之者如有常德以立武  
事因以為戒謂美其武功之方盛而因戒其後之不  
可以躡武庭燎亦美宣王之勤政而箴其勤之大過  
耳過於勤則不可以常而其終之怠固勢所必至然

此詩則未及言怠政之事朝辯色而入末章夜鄉晨  
正視朝之時不為怠也此詩乃宣王銳意求治之初  
其後晏起至煩賢后脫簪乃末年怠政之事非此時  
也詩記曰宣王其志雖勤然未能安定凝止  
躍然有喜事之心焉斯其所以不能常也

庭燎三章章五句

沔水

沔音免

規宣王也

箋曰規者正圓之器也規主仁恩也

臣盡規○疏曰圓者周匝之物以比人行周備有不圓  
匝者規之使成圓正物之器不獨規獨言規者以恩親  
正君曰規規之使圓則外無廉隅  
故五行規主東方是主仁恩也

規其聽讒而諸侯攜貳也

沔彼流水

傳曰沔水流滿也

朝宗于海

朝音潮○箋曰諸侯春見天子曰朝夏見曰宗

○疏曰大宗伯注云朝朝也欲其來之早宗

尊也欲其尊王禹貢亦云江漢朝宗於海

駝彼飛隼

駝音隼隼音筍○晨風傳曰駝疾飛貌○隼解見采芑

載飛載止

箋曰載之言則也

嗟我

兄弟邦人諸友莫肯念亂

箋曰莫無也

誰無父母

興也杜詩云衆流歸海意萬國奉君心與此詩意同

彼沔然而滿之流水必入於海有朝宗之義喻諸侯

雖彊大必朝宗於天子此理之常也其叛服不常如

駭然疾飛之隼或飛或止者必有其故矣含蓄而未  
言也兄弟指所親邦人指衆人諸友指所厚言兄弟  
邦人諸友則親疎厚薄識與不識皆在其中矣嗟我  
親疎厚薄之人無肯思亂者皆願平治也誰無父母  
乎皆有所顧惜也憂諸侯之背叛而致禍亂將累其  
親也

沔彼流水其流湯湯

音商。傳曰湯湯放縱無所入也。

駭彼飛隼載飛

載揚念彼不蹟

音迹。釋文迹亦作蹟蹟足跡也。傳曰不蹟不循道也。今曰不由故迹謂

越常載起載行心之憂矣不可弭忘

弭音敎。傳曰弭止也。

水滿而湯湯然猶書湯湯洪水方割喻諸侯彊大而放恣也隼載飛載揚猶諸侯飛揚而不朝事者故念彼不循道之諸侯我坐不能安則起則行此心之憂不可止而忘之也

駉彼飛隼率彼中陵

箋曰率循也

民之訛言

箋曰訛偽也

寧莫之

懲

傳曰懲止也

我友敬矣諛言其興

一章言載飛載止喻諸侯或朝或不朝者二章言載

飛載揚喻諸侯跋扈不朝者此章言率彼中陵喻諸  
侯循道而來朝者飛止者已無固志飛揚者未有回  
心率彼者蓋僅有之所當綏懷以勸來者今民之訛  
言復欲中以飛語而使之不自安豈可不懲止之乎  
聞來朝之諸侯相與語曰吾輩事王室非不敬矣而  
讒言方興將如之何是其心亦懷疑懼將不來矣宣  
王不可不察也諸侯之叛在讒言耳首章之含蓄次  
章之憂危至末章結句始發之

沔水三章二章章八句一章六句

鶴鳴誨宣王也

董氏曰此詩其師傳所作歟

此詩說者多異毛鄭在衆說之先皆謂興求賢必有師承當從之

鶴鳴于九皋

傳曰皋澤也。箋曰澤中水溢出所為坎自外數至九喻深遠也

聲聞于

野

聞音問。今曰他人聞知其聲之聞從平聲凡聲聞於人之聞從去聲。傳曰言身隱而名著也

魚

潛在淵或在于渚

江有渚傳曰渚小洲也。疏曰以魚之出沒喻賢者之進退

樂彼

之園

樂音洛

爰有樹檀

疏曰檀善樹也。解見將仲子

其下維穉

音托。穉落葉



也解見薛分○箋曰猶尚賢而下小人

它山之石

它音拖

可以為錯

七落反○傳曰

錯石也可以琢玉○今日揚子不將不錯焉攸用錯謂治玉也

興也鶴鳴于九皋深遠之地其聲聞于外方之野喻

賢者身隱名顯也魚或在於深淵或見於淺渚喻賢

者去就不常也身隱名顯則難進去就不常則易退

皆視人主意嚮何如耳故用捨不可以不審猶彼園

之可樂者以上有善木之檀其下則有落葉喻朝廷

之上當上賢而下不肖也既得賢者則可以磨礱君

德如它山之石可以為琢玉之錯石也

程子曰玉之溫潤天下之

至美也石之粗礪天下之至惡也然兩玉相磨不可以成器以石磨之而後玉之為器得以成焉猶君子之與小人橫逆既加然後脩省畏避動心忍性增益預防而禮義生焉道德成焉吾聞諸邵子云○李氏曰漢王符云攻玉以石洗金以鹽濯錦以魚浣布以灰夫物固有以賤理貴以醜化好者矣智者棄短取其功長以致

鶴鳴于九皋聲聞于天魚在于渚或潛在淵樂彼之園

爰有樹檀其下維穀

音谷釋文曰穀從木非從禾也○曰穀楮也今楮皮也○傳曰穀惡

木也○疏曰陸璣云幽州人謂之穀桑荆揚交廣謂之穀中州人謂之楮殷中宗時桑穀並生是也今江南人

續其皮以為布又擣以為紙謂之穀皮紙  
潔白光澤其裏甚好其葉初生可以為茹  
它山之石可

以攻玉

傳曰攻錯也○今  
曰謂錯治之也

### 鶴鳴二章章九句

祈父

音畿甫

刺宣王也

疏曰周語云宣王三十九年戰  
于千畝王師敗績於姜氏之戎

宣王料民太原人不足用乃令祈父出禁衛以從軍

此宣王之失非祈父所得專也作者呼祈父而責之

所以刺宣王也

祈父

傳曰祈父司馬也職掌封圻之兵甲○釋文曰封  
圻當作畿字古作祈圻畿同字得通故此作祈尚

書作圻○李氏曰左傳襄十六年獻子賦圻父其字用  
酒誥圻字昭十二年子華曰祭公謀父作祈招之詩杜  
預注云祈父周司馬祈字作詩之祈招音韶○疏曰常  
武美宣王命程伯休父為大司馬此詩所刺者蓋休父  
卒後他子王之爪牙疏曰鳥用爪獸用牙以防衛此人  
代之子王之爪牙自謂王之爪牙以鳥獸自喻也

胡轉予于恤

箋曰轉移也  
傳曰恤憂也

靡所止居

宣王以宿衛之士從軍宿衛之士不敢斥宣王以司  
馬掌征伐呼其官而責之曰祈父我乃王之爪牙當  
為王閑守之衛女何移我於憂恤之地使我無所止  
居乎謂使之從軍在外無定居也軍心之怨如此其

敗宜矣。○此詩作於未敗之前，故但言靡所止，居有

母尸饗也。變雅諷刺其上，庶其覺悟，使宣王聞而改

圖，未必有千畝之敗也。

箋曰：司馬之屬有司右主勇力之士，六軍之士出自六鄉。

法不取於爪牙之士。○疏曰：司右止言勇力屬焉，不言使之守衛。夏官虎賁氏，其屬者虎士八百人，其職云：掌先後王而趨以卒伍。軍旅會同，亦如之。舍則守王闕，王在國則守王宮，國有大故則守王門。虎賁之徒既為宿衛，則司右之徒亦為宿衛矣。

祈父，予王之爪士。

李氏曰：爪牙之士也。

胡轉予于恤靡所底止。

底音

止。○傳曰：底至也。

靡所底止謂遠戍而行役未已

祈父亶不聰

傳曰亶誠也

胡轉予于恤有母之尸饔

音邕○傳曰尸

陳也熟食曰饔○長樂劉氏曰尸主也

言有母見無父矣猶穎考叔所謂小人有母也祈父誠不聰何為移我於憂恤我有母在當主為饔以養

之汝乃不知是不聰也

詩記曰讀是詩見宣王變古制者二焉前兩章既刺其以

宿衛之士從征役矣末章復曰祈父亶不聰胡轉予于恤有母之尸饔有親老而無他兄弟其當免役征在古必有成法責其不聰其意謂此法人皆聞之彼司馬獨不聞乎乃驅吾從戎使吾親不免薪水之勞

也責司馬者不敢斥宣王也越勾踐伐吳大徇於軍  
曰子有父母者老而子為我死之子父母將轉於溝  
壑子為我禮已重矣子歸沒而父母之世後若有事  
吾與子圖之勾踐尚能辨此况周之盛時乎其有定  
制必矣太子晉諫靈王之辭曰厲始革典十四王矣  
又曰自我先王厲宣幽平而貪天禍至于今未弭宣  
王中興之主也至於幽厲並數之其辭雖  
過觀是詩所刺則子晉之言豈無所自歟

祈父三章章四句

白駒大夫刺宣王也

當時賢能布列白駒一賢之去若未闕大體詩人已  
為宣王惜之蓋見幾也

皎皎白駒

皎音繳。釋文曰：皎，皎潔白也。

食我場苗

場圃場見七月○  
疏曰此宜云圃而

言場者以場圃同地耳  
言食苗藿則夏時矣

繫之維之

繫音執。傳曰：繫，絆也。維，繫也。絆音半。

言食苗藿則夏時矣

疏曰僖二十八年左傳云韞鞬韞鞬杜預注云在背曰

韞在胃曰韞在腹曰鞅在後曰絆則繫之謂絆其足釋

文曰繫足曰絆維之謂繫勒以永今朝山有樞傳曰永

也韞韞韞韞音憲引養半  
引也○今曰引

猶款

所謂伊人

朱氏蒹葭解曰伊  
人猶言彼人也

於焉逍遙

馬如字○  
箋曰逍遙

遊息也

宣王之末不能用賢賢者有乘白駒而去者同朝之

大夫惜其去而思之言此皎皎然之白駒若來至我



居我則捐圃中之菜苗以食之而無所愛不止於青  
芻也又繫絆其馬之足維繫其馬胃之勒惟恐其去  
而不留猶投轄於井之意也以延引今朝謂賢者縱  
不能久留且得款曲今日亦足矣此皆欲見之而不  
可得之辭故想像其人而言曰所謂彼人者願其來  
此逍遙也蓋賢者去之國人思望之意也○穀之始  
生曰苗草之類始生亦曰苗本草多言春夏采苗是  
也場即圃也言圃中之苗則菜茹之嫩者猶今言菜

秧非禾苗也若以納稼在場則不名苗矣下云場藿  
藿豆葉也亦菜茹之類○舊說以伊人逍遙為賢者  
實來訪於已非也伊人猶言彼人謂其人不在此而  
想像之稱非覲面之稱也唐有杖之杜刺不能求賢  
曰彼君子兮噬肯適我中心好之曷飲食之丘中有  
麻言賢人放逐曰彼留子嗟將其來施施皆望其來  
而不可得之辭與此詩之意一也

皎皎白駒食我場藿

音霍○曰藿豆葉也  
用以銅羹解見小宛繫之維之以

永今夕所謂伊人於焉嘉客

願其來此為嘉客也

皎皎白駒賁然來思

賁音秘。程子曰賁然光彩。○疏曰思助語。

爾公爾侯

逸豫無期慎爾優游勉爾遁思

遁音鈍字亦作遯。○今曰易遯卦遯奉身退隱

之謂也

言願此賢者來訪於己賁然若有榮耀焉亦望之之辭也彼去而已留於是羨賢者退居之樂謂爾賢者若為公為侯則將勤勞國事無有逸豫之期今爾肥

遜優哉游哉足以自樂願加保重耳故曰謹爾優游  
勉爾遁思於此深寓愛賢之意而又以見賢者無入  
不自得不以得喪嬰其心也○舊說爾公爾侯為責  
公侯與下文爾字不歸一今以四爾字皆指賢者

皎皎白駒在彼空谷

今曰空谷言寂  
寥無人之所也

生芻一束

芻音初  
○釋文

曰芻刈草也俗作芻今曰生  
芻新刈之草所謂青芻也

其人如玉毋金玉爾音

母音

無而有遐心

言賢者遠遜在於無人之空谷所謂寬閑之野寂寞

之濱也處困窮而享淡薄其飼馬以新刈生草一束而已無穀以秣之然其人之美則如玉也彼去而已留望其音問不相絕曰無自貴重其音聲如金玉然不以遺我而有遠棄我之心也上三章猶望賢者來訪於已末章言賢者晦迹巖谷不可復望其來見止望其寄聲耳極稱其美而為拳拳思慕之辭所以見其人之賢而刺時之不能用也○杜詩與奴白飯馬青芻則以草新刈而青者為愛客之厚此詩則以生

芻見賢者之處淡薄其意各有所主季文子無食粟  
之馬唐人詩官清馬骨高山谷詩貧馬百賢逢一豆  
賢音閑又音覓牛  
馬食餘草節也皆因馬以見人也

白駒四章章六句

黃鳥刺宣王也

毛鄭以為室家相棄王氏蘇氏以為賢者不得志而  
去不若朱氏以為民不安其居適異國而不見收恤  
諸家以無啄我粟為此邦之言不我肯穀復我邦族

為去者之言文意斷續朱氏以為皆去者之言朱義  
為長

黃鳥黃鳥無集于穀

疏曰穀木也  
○解見鶴鳴

無啄我粟

卓啄音

此邦

之人不我肯穀

傳曰穀善也  
○書既富方穀

言旋言歸

曰言

復我

邦族

興也民適異國不得其所無可告語者唯黃鳥可愛  
平時飛鳴往來於此故於其將去呼黃鳥而告之曰  
爾無集於我之穀木無啄我之粟矣蓋此邦之人不

肯以善道待我我亦不久於此將旋歸復反我邦之  
宗族矣與黃鳥告別之辭也杜詩岸花飛送客牆燕  
語留人謂送留惟花燕亦此詩告別惟黃鳥之意也  
○舊說以黃鳥集穀啄粟喻侵迫黃鳥鶯也人所愛  
玩集木啄粟未為侵害於人

黃鳥黃鳥無集于桑無啄我梁此邦之人不可與明言  
旋言歸復我諸兄

不可與明言以橫逆加已不可與之求明白也



黃鳥黃鳥無集于栩

音許○曰栩柞也櫟也杼也解見唐鵠羽

無啄我黍此

邦之人不可與處

音杵

言旋言歸復我諸父

黃鳥三章章七句

我行其野刺宣王也

王氏曰此民不安其居而適異邦從其婚姻而不見收恤之詩也

朱氏曰使民如此異於還定安集之時也

周之盛時以睦婣任恤教道其民風俗醇厚何如也

至黃鳥我行其野之詩作則教道微而習俗薄矣君

子是以知宣王之後周道之衰也

我行其野蔽芾其樗

○蔽音沸樗音樞○蔽芾解見甘棠

采荼薪樗樗唯取薪薪惡木也○李氏曰樗者不材之木也莊子云吾有大樹人謂之樗其大枝擁腫不中繩墨其小枝卷曲不中規矩卷音權

昏姻之故言就爾居爾不我畜

許六反○

傳曰畜養也○今曰邨谷風不我能慍字異音義同

復我邦家

我從本國而來經行於野見有惡木之樗野中自生

非藉人力種植而其枝葉蔽芾然茂盛我猶得休息

於其下我以爾是昏姻親戚之故素有恩義交結非

野樗之比也今來就爾居爾乃不我養是無恩之甚

惡木之不如也爾既不我養今當復反我之邦家矣  
與之訣也

我行其野言采其蓫

音菑。傳曰蓫惡菜也。箋曰牛

反。陸璣曰今人謂之羊蹄似蘆葦而葉長赤鬻為茹滑美也鬻煮同。王氏曰蓫惡卉也可以治疾。曹氏

曰蓫皆野生

昏姻之故言就爾宿爾不我畜言歸斯復

蓫惡菜野生不待栽培猶可治疾我與爾為昏姻有  
交結之素乃野菜之不如也我歸則復其舊矣

我行其野言采其藟

音福。傳曰藟惡菜也。箋曰藟當也當音富。陸璣曰河內謂之

蓼幽州謂之當燕一名薺其根正白宜着熱灰中溫嗽之饑荒之歲可蒸茹以禦饑或云其花葉有兩種一種葉細而花赤一種葉大而花白復香蓼音藜薺音績不思舊姻求爾新特蘇氏曰特匹也

○今日新特謂新親也成不以富蘇氏曰依論語成當作誠亦祇以異○祇音支○傳曰

祇適也○今日朱氏論語解云不足以致富而適足以為異也

菑亦惡菜野生猶可禦饑新舊親姻一也今乃棄我之舊姻而求爾之新親責其薄也爾之不我收恤但鄙吝耳此何能以致富適足為異耳親義相賙人道之常爾獨不然是可怪也

我行其野三章章六句

斯干宣王考室也

箋曰考成也。○疏曰說文云釁血祭也。雜記下云成廟則釁之其禮雍人

拭羊舉羊升屋自中中屋南面割羊血流於前乃降是釁廟也。雜記云路寢成則考之而不釁。注云設盛食以

落之。○歐陽氏曰古人成室而落之必有稱頌禱祝之言如歌於斯哭於斯聚國族於斯謂之善頌善禱者是

矣。若知斯干為考室之辭則一篇之義簡易而通明矣。○詩記曰斯干無羊皆宣王初年之詩乃次於刺詩之後何也。蓋宣王晚歲雖怠於政然中興周室之大德豈可以是以掩之乎。故復取此二篇以終之也。宣王之大雅有美無刺大雅言大體者也。論其大體則宣王固一世之賢君也。

秩秩斯干

疏曰斯此也。漸卦注云干謂大水之傍。○今曰秩秩整齊貌。

幽幽南山

傳曰

幽幽深遠也。○長樂劉氏曰：鎬京之陽終南之山也。○考見秦風終南。

如竹苞矣。

苞，叢生也。解見

生民如松茂矣。兄及弟矣。式相好矣。

好，去聲。○箋曰：式，用也。

無相猶

矣。

歐陽氏曰：猶圖也。謀也。

鎬京臨大水對終南故宣王作室之地在秩秩然整齊之干岸面對幽幽然深遠之南山言地勢之壯也其盤基之厚如竹之叢生其結架之密如松之茂盛言宮室之美也於是頌禱之願其入居此室之後兄弟各相和好無有相圖者矣。○西京賦言長安於前

則終南太一猶此詩言幽幽南山於後則據渭踞涇  
猶此詩言秩秩斯干西京賦祖述斯干也鎬在上林  
苑中此所言干謂大水之傍必鎬水也舊說宣王作  
室於山澗之間釋文云澗山夾水也亦溝澗然則澗  
是水之小者稱美天子之宮室必舉山水之大者言  
之無由舉小澗為發端之辭

似續妣祖

妣音匕。傳曰似嗣也。箋曰妣先妣姜嫄也。曹氏曰祖豈后稷歟。

築室百

堵

解見鴻鴈

西南其戶

傳曰西鄉戶南鄉戶也。疏曰天子之宮其室非一在北者南戶在東者

西戶孫毓云  
猶南東其畝

爰居爰處爰笑爰語

箋曰爰於也

美作室而言嗣續妣祖者蓋厲王之亂百度廢墜宮室亦壞宣王既以中興王業乃築宮室以復舊觀足以見中興之盛故曰嗣續妣祖若竟土未復雖作宮室不足言嗣續矣百堵言廣且多也或西鄉其戶或南鄉其戶於是居處於是笑語焉

約之閣閣

音各○傳曰約束也閣閣猶歷也○蘇氏曰上下相承也

掾之橐橐

音掾

卓橐音托○疏曰掾以杵築之也○蘇氏曰橐橐杵聲也

風雨攸除

音筋○朱氏曰除亦去也鳥



鼠攸去君子攸芋

音吁。傳曰芋大也。

此章言牆垣之固也。築牆之時以繩約束其板閣。然上下相乘即所謂縮板以載也。以杵築掄之其聲橐橐然。羣寢既成上下四旁牢密則風雨不能凌暴。鳥鼠不能穿穴皆除去。君子於是居焉。所以為尊且

大也。

曹氏曰君子雍容於其間心廣體胖是以大也。所謂居移氣也。

如跂斯翼

跂音起韻又音棄。釋文曰跂脚跟不着地跟音根。傳曰如人之跟竦翼耳。疏曰竦

此臂翼然。今曰如論語翼如也之。翼人舉踵則竦臂翼然如鳥舒翼也。如矢斯棘。歐陽氏曰棘急

也矢行緩則枉急則直如鳥斯革歐陽氏曰革變也如翬斯飛

聲音輝○箋曰伊雉而南素質五色皆備成章曰翬○呂氏曰覆以瓦而加丹雘有文采而勢騫舉也君

子攸躋傳曰躋升也

此章言其堂也其上下嚴正如人跂足直立則聳臂

翼如也其四隅如矢行棘急而直也其竦起如鳥驚

變而悚顧也其軒翔如雉翬之飛也君子升之以視

朝焉言其堂故曰升

殖殖其庭

殖音植○傳曰殖殖平正也○疏曰庭宮寢之前庭也

有覺其楹

傳曰覺高

大也○箋曰直也○疏曰楹柱也

噲噲其正

噲音快正音政○箋曰噲噲猶快快也○疏曰寬明

快快然○呂氏曰正謂正寢

噦噦其冥

噦音誨○蘇氏曰噦噦深廣之貌○呂氏曰冥謂室之奧

窔也窔音要

君子攸寧

此章言其室也其宮寢之前庭殖殖然平正也其楹柱覺然高大也其正寢噲噲然明快也其室之冥與噦噦然深廣也君子居之而安寧謂燕息優游也言

其室故曰寧

李氏曰東坡之詩云書憲明快夜堂深

下莞上簟

莞音官○箋曰莞小蒲之席也竹葦曰簟○釋文曰草叢生水中莖圓江南以為席形似

小蒲而實非也。○釋草曰莞苻離其上蒿。○疏曰郭璞云莞蒲一草之名蒲麗莞細司几筵有莞筵蒲筵麗者在下美者在上也莞細而用小蒲竹葦曰簞者以常鋪在上宜用堅物故知竹簞也士喪禮云下莞上簞衽如初則平常皆莞簞也其寢卧之席自天子以下宜莞簞同乃安斯寢乃寢乃興與風

興也乃占我夢吉夢維何維熊維羆音碑○疏曰釋獸云

色○郭璞曰似熊而長頭高脚猛慙多力能拔樹木慙音蚶○陸璣曰有黃羆有赤羆大於熊其脂如熊白而

麗理不如維虺維蛇虺音毀○曰虺虺也虺音福○釋熊白美也

厄反○舍人曰江淮以南曰虺江淮以北曰虺○孫炎曰廣三寸頭如拇指有牙最毒○山陰陸氏曰虺狀似

蛇而小為虺弗摧為蛇奈何舊說虺蛇怒時毒在頭尾螫手則斷手螫足則斷足蛇之尤毒烈者也一曰虺與

虺異螫

音釋

考室之時當有頌禱之語以終之如今落成致語上  
梁丈之類居室之慶莫過於子孫之繁衍此人情之  
至願故頌禱之辭曰願入此室處之後發於夢兆而  
聞子孫之祥蓋設為之辭非實有是夢也

大人占之

王氏曰當時在位之大人○曹氏曰大人則非占夢之官蓋當時之所尊信也若晉平公

夢黃熊入寢門而問諸子產晉文公夢與楚子搏而問諸子犯維熊維羆男子之祥維

虺維蛇女子之祥

心清神定則有開必先博物通達則占事知來熊羆  
猛獸為男之祥虺蛇陰類為女之祥昔人謂占夢無

書以意言之殆近是矣然皆設為禱辭耳

王氏曰人之精神與

天地陰陽流通故夢各以其類至先王置官觀天地之會辨陰陽之氣以日月星辰占六夢之吉凶獻吉夢贈惡夢知此則可以言性命之理矣

乃生男子載寢之牀

箋曰尊之也

載衣之裳

衣去聲。傳曰裳下之飾也

載弄之璋

音章。傳曰半珪曰璋臣之職也

其泣嗶嗶

音橫。疏曰嗶嗶聲大也。王

氏曰其泣之美亦所以為吉祥羊食我之生也聞其聲者知其滅羊舌氏矣食音嗣。今曰東坡賀人生子詩

云試教啼看定何如今人以朱芾斯皇

芾音弗○赤芾詳解見曹侯人

兒初生啼聲長而大為福壽朱芾解見采芑○室家君王

箋曰皇猶煌煌也

古者男女初生即表異之男則寢之牀尊之也衣之下飾之裳臣道也弄之璋玉以他日行禮之事也皆表異其為男子也其泣聲嗶嗶然大福壽之證皆將服朱芾煌煌然而鮮明有室有家為諸侯為天子矣

○今考太宗伯以赤璋禮南方注云圭銳象春物初生半圭曰璋象夏物半死然則圭之首銳璋則圭體

之半也一圭中分則為二璋也瓚有圭瓚璋瓚瓚勺也圭璋為瓚之柄以裸於宗廟也有璋玉有璋瓚璋玉以禮神及朝聘以為瑞璋瓚以裸宗廟毛以棫樸奉璋為璋玉顧命太保秉璋以酢是人臣行禮奉璋玉之事也鄭以棫樸奉璋為璋瓚郊特牲灌以圭璋是璋瓚亦名璋也此生男弄璋必不用祭器之瓚瓚當止是璋玉也孔氏引奉璋以證臣職而毛鄭於彼注其說不同故辯之



乃生女子載寢之地

箋曰卑也

載衣之裼

音替。傳曰裼褓也。○疏曰縛

兒被也。○蘇氏曰即載弄之瓦

傳曰瓦紡塼也

無非無儀

箋曰儀善

也婦無所專於家事有非非婦人也有善亦非婦人也

唯酒食是議無父母詒懼

傳曰懼憂也

寢之地以卑之衣之裼褓以賤之弄之紡塼以習其

所有事皆表異其為女子也婦人之事無非可譏無

善可稱惟議酒食耳無遺父母之憂懼

斯干九章四章章七句五章章五句

無羊宣王考牧也

箋曰厲王之時牧人之職廢宣王始興而復之○陳氏曰牧者牧養畜牲

之牢蓄牲之多寡足以表國之盛衰故詩人於其牧成而考之作爲禱頌之辭○疏曰周官有牧人下士六人府一人史二人徒六十人掌牧六牲而阜蕃其物六牲謂牛馬羊豕犬雞爾牲則具主以祭祀爲重馬則祭所用者少豕犬雞則比牛羊爲卑故特舉牛羊爲美也

箋疏所引牧人謂牧人之官也詩所言牧人何簞笠薪蒸者謂牧養牛羊者也

誰謂爾無羊三百維羣誰謂爾無牛九十其牝

閨之平傳曰

黃牛黑唇曰牝爾羊來思

今日來謂來入於牢如言牛羊下來也○李氏曰思辭也

其角濺

泚 簪之入。傳曰聚其角而息泚泚然。王氏曰和爾也。羊以善觸為患故言其和為聚而不相觸也。

牛來思其耳濕濕

傳曰哢而動其耳濕濕然。哢音癡。郭璞曰哢食已復出嚼之也。○山陰

陸氏曰牛病則耳燥安則溫潤而澤故古之善視牛者以耳祭義所謂大夫祖而毛牛尚耳

宣王初承厲王之後六畜衰耗人皆言其無牛羊矣  
及宣王修復牧事牛羊蕃息於是作牧養之牢而落  
成之言何人謂爾宣王無羊乎每三百為一羣不知  
幾羣也何人謂爾宣王無牛乎有九十皆牝者其他  
色不可盡數也矜詫其新有故拒前言無者以解其

嚙也爾羊自外而來歸於牢則聚其角泦泦然不相  
觸也爾牛自外而來歸於牢則哢而動其爾濕濕然  
牛耳潤澤則無病也羊不歸而聚則不見其角之泦  
泦牛不歸而息亦不見其哢言來皆所以見牢之成  
也故首章及之

或降于阿或飲于池或寢或訛

傳曰訛動也

爾牧來思何簎

何笠

何河之上濁○傳曰何揭也揭音竭其謁反

或負其餼

音侯○餼乾食也解見公劉

三十維物

蘇氏曰物類也○傳曰異毛色者三十也○疏曰每色之物皆有三十謂青赤黃白黑毛

色別異者爾牲則具

疏曰祭祀之牲當用五方之色故汝之祭索則有之

此章亦述牛羊來歸之意或降于阿或飲于池或寢息或訖動言此者美其無所驚畏也牧人來歸何簞笠以禦暑雨或齋其乾食從牛羊之所宜適以順其性而蕃息其牲有餘備每色之物皆有三十則祭祀隨索而有也

爾牧來思以薪以蒸

箋曰簞曰薪細曰蒸

以雌以雄爾羊來思矜

矜兢兢

傳曰言堅強也

不騫不崩

傳曰騫虧也崩羣疾也○王氏曰言羊得其性而無耗敗

也言羊而不言牛者羊善耗敗故也言羊不耗敗則牛可知矣

麾之以肱

傳曰肱臂也

畢來

既升

牧人晝日閒暇則於牧地采薪蒸暮則以來之歸又辨其畜之雌雄者視其多寡之數也爾羊來歸其堅強矜矜兢兢然也不騫虧不羣疾又不待箠楚驅之但麾之以臂皆來升入於牢言馴擾從人意也

牧人乃夢衆維魚矣旐維旗矣

旐解見出車旐解見鄘干旐

大人占

之衆維魚矣實維豐年旐維旗矣室家溱溱

傳曰溱溱衆也

考牧之詩亦當有頌禱之語以終之宣王承饑饉離散之後所願者年豐而民庶也故就牧事上設為牧人之夢非牧人實有是夢也魚麗為萬物盛多之象故為豐年旃旒所以聚衆故為人民蕃庶皆設辭以頌禱耳箋疏謂牧人得此夢而獻於王非也

無羊四章章八句

詩緝卷十九

欽定四庫全書

經部

詩緝卷

二十一至  
二十二

詳校官監察御史<sub>臣</sub>孫家賢

通政使司副使<sub>臣</sub>莫瞻菴謹勘

總校官進士<sub>臣</sub>繆琪

校對官中書<sub>臣</sub>孫梅

謄錄監生<sub>臣</sub>汪元亮



欽定四庫全書

詩緝卷二十

宋 嚴粲 撰

節南山之什

小雅

釋文曰從此至何草不黃凡四十四篇前儒申毛皆以爲幽王之變小雅

節南山

節如字又音截○詩記曰按左傳韓宣子來聘季武子賦節之卒章杜氏謂取式訛爾心以畜

萬邦之義然則此詩在古止名節也

家父刺幽王也

父音甫○箋曰家父字周大夫也○疏曰

春秋之例天子大夫稱字桓七年天王使家父來求車上距幽王之卒七十五歲古人以父爲字或累世同之

幽王宮涅宣王子○項氏曰幽王時為亂者皆宣王時故家率犬戎以攻幽王者崧高之中伯也為趣馬以亂朝者韓奕之蹶父也為卿士而貪殘擅政為大師而迷民誤國者常武之皇父尹氏也四人雖未必皆其身亦必無皆死之理以此知人才維上所用唐之裴矩即隋之佞人魏之華歆即漢之名臣也

節南山刺師尹所為不平專援引小人也宣王在位四十六年大雅所美諸臣皆初年輔佐中興者幽王時未必存蓋皆其子孫也

節彼南山

傳曰節高峻貌○曰維南山也考見秦風終南

維石巖巖

傳曰巖巖積石貌

赫赫師尹

傳曰赫赫顯盛貌尹氏為大師大音泰○李氏曰春秋書尹氏卒譏世卿也其後尹氏立

王子朝則尹氏之為世卿其來甚久

民具爾瞻

傳曰具俱也瞻視也

憂心如惓

音談又音

炎○傳曰惓惓也○

不敢戲談國既卒斬

卒子律反○朱氏曰卒終

也○蘇氏曰斬絕也

何用不監

平聲○箋曰監察也

首章言師尹失民望也興也鎬京面對終南故以所

見起興言節然高峻之終南山其積石巖巖然為國

之望猶赫赫然顯盛者是大師尹氏民俱瞻仰之也

職位之重如此宜有以副天下之望今民見其所為

皆憂心內熱如火之惓惓至不敢戲言懼其以疑似

而加誹謗之罪也是時周雖未亡而終歸於亡矣王  
何不察也○常武王謂尹氏箋云尹氏天子世大夫  
也宣王時尹氏為內史幽王時為大師者非子則孫  
耳

節彼南山有實其猗

音伊○蘇氏曰山之實草木是也  
○傳曰伊長也○疏曰綠竹猗猗

是草木長茂之  
貌故為長也

赫赫師尹不平謂何天方薦瘥

薦音荐瘥音醯

才何反讀作切磋之音者非○傳曰薦  
重也瘥病也○疏曰薦與荐文異義同

喪亂弘多

傳曰弘大

也

民言無嘉懃莫懲嗟

懃騷之上○錢氏曰懃痛也

次章言師尹之病在於不平也山之高峻其氣平均如一則草木之生於其上者無不猗然而長今汝師尹其勢非不赫赫然顯盛其如不平何謂其職位如山之高峻而不能如山之生物均平也由汝所為不平故天方降此荐至之病死喪禍亂甚大而且多是天怒也方者言方來未已也民無善言惟聞怨讟是人怨也此可憫痛而不懲創嗟閔無改悔之意也○禮言冢宰均邦國書言冢宰均四海大臣之事唯在

均平公溥也此詩原幽王之辭由於師尹究師尹之惡在於不平而已下言秉國之均昊天不傭式夷式已君子如夷既夷既懌昊天不平皆此意也

尹氏大師

大音泰

維周之氏

音抵

○傳曰氏本也○解順新語曰爾雅云氏星名天根

也說者謂亢下繫於氏如木之有根字不必作抵

秉國之均

傳曰均平也

四方是維

天子是毗

音皮

○箋曰毗輔也

俾民不迷不弔昊天

弔如字○朱氏曰弔愍也

○李氏曰此所謂不弔昊天正如書所謂不弔左氏傳成七年吳伐鄭鄭成季文子曰中國不振旅蠻夷入伐而莫之或恤無弔者也夫遂引此詩弗弔昊天之言為證襄十三年吳侵楚喪君子以吳為不弔亦引此章不

弔昊天杜氏注云不為昊天  
所恤則不弔為不恤明甚

不宜空我師

空音控○朱氏曰不宜久

在曠我大  
師之官

三章言大師重任惟在均平尹氏不平不稱其任也  
尹氏為大師國之安危所基是周之根本也爾秉持  
國之均平不宜有所偏私能均平則外以維持四方  
內以毗輔天子使民不迷惑矣今師尹所為不平民  
無所赴愬唯呼天而告之曰昊天不見愍弔乎不宜  
曠我大師之官也非其人而處其位與無人同故謂

之空東萊書說云非無其人之謂曠而非其人之為

曠也

弗躬弗親

釋文曰弗不也

庶民弗信弗問弗仕

今曰仕謂官使之也下文有臚

仕一章二仕字當歸一

勿罔君子

釋文曰勿莫也

式夷式已

式微箋曰式發聲也○傳

曰夷平也○王氏曰已廢退也○今曰論語三已之孟子士師不能治事則已之

無小人殆

傳曰

殆危也○今曰論語佞人殆

瑣瑣姻亞

傳曰瑣瑣小貌○釋親曰壻之父為姻婦之父為婚兩壻

相謂為亞○劉熙釋名曰一取姊一人取妹相亞次也

則無臚仕

臚音武○傳曰臚厚也

四章言師尹之不平在於遠君子而任小人也師尹



於政事不躬為之不親臨之而信任非人庶民不信之也此由所見之偏謂君子徒有虛名而無實用也然君子豈真不可用哉特不用之耳既不詢問之不官使之勿誣罔君子以為不可用也小人豈真可用哉聽之則其言若可喜而用之則必敗迺事當平其心勿偏信之察知其姦則廢退之無信用小人而至於危殆其國也瑣瑣然么麼之姻亞無以親暱而厚任用置之大位也大臣官使人材當昭布公道乃於

君子則弗仕唯姻亞則膺仕所謂不平也都人士彼  
君子女謂之尹吉鄭氏以為尹氏周室昏姻之舊姓  
然則此尹氏憑藉昏連王室以處大位如後世外戚  
擅權者瑣瑣姻亞則其所引親黨也○舊說以君子  
指王非也此君子正對下文小人言之謂人之邪正  
也君子所見者遠若迂濶若遲鈍世每訕笑之以為  
不可用不知用之則安富尊榮小人所見者近敏捷  
可以集事諛佞可以悅意世主每甘心焉不知小人

用則國危矣勿誣罔君子以為不可用勿信任小人  
以自取危殆文意瞭然權姦欲擯斥君子君子無罪  
可指唯以好名無實排之所以罔君子者千載一揆  
也

昊天不傭

音衡○傳曰傭均也○今考字一音容傭賃也此讀作容音非降此鞠訕

音菊

凶○朱氏曰鞠窮也訕亂也○今曰釋文云訕訕也衆語也衆語訕訕亂之象也項籍傳天下匈匈師古云謹

擾之意匈匈即訕也

昊天不惠

今曰惠愛也惟天惠民今不惠也

降此大戾

音麗○箋

曰戾君子如屆

音戒○今曰君子即上文君子也○箋曰屆至也

俾民心闕

苦

反○傳曰  
闕息也

君子如夷

箋曰夷平也

惡怒是違

蘇氏曰違遠也

五章言唯用君子可以已亂也民罹師尹之害而歸之於天曰昊天不傭均而降此窮極之亂昊天不惠愛而降此大乖戾謂天生小人以禍天下也所以救此禍者唯在用君子而已幽王信用小人故君子去之君子若至則民心自息矣君子若平夷其心則民心之惡怒皆遠矣所患君子不至耳至則所為必平夷刺師尹不平也

不弔昊天亂靡有定式月斯生俾民不寧憂心如醒

音呈

○傳曰病酒曰醒○今誰秉國成不自為政卒勞百姓曰猶黍離言中心如醉

六章憂亂也呼天而告曰不見愍弔乎昊天也亂未有所定日月愈生亂益甚也使民不得安寧我憂心如病酒而不醒矣國之有成乃法度紀綱一成而不可變人主所操執天下所遵守者今誰秉持之乎師尹實秉持之而乃不自為政信任姻亞羣小用事終勞苦我百姓也

駕彼四牡四牡項領

傳曰項大也

我瞻四方蹙蹙靡所騁

蹙音

足騁音逞○箋曰

蹙蹙縮小之貌

七章思避亂也家父知禍亂之將作思欲駕此四牡而去之其四牡大領非不肥壯然我視四方蹙蹙然縮小無可馳騁之地是以留而不去蓋世亂則一身無所容若見天地之狹如唐人詩云出門即有礙誰謂天地寬也彼特為一身言之此則為天下國家言之也

方茂爾惡

朱氏曰茂盛也

相爾矛矣

相去聲○箋曰相視也

既夷既懌

音亦

如相醺矣

醺音雛韻亦作酬

八章言小人情狀也。小人方茂其惡，謂盛怒之時，則相視其矛戟，如欲持之以相殺傷。此由不能平其心也。若能夷平悅懌，則同僚相與歡然如賓主之相醺。酖何至相疾如仇讎哉。○此詩式夷式已，君子如夷，皆言君子則既夷既懌，亦規之以善也。舊說夷懌為小人喜怒不常，今不從。

昊天不平我王不寧不懲其心覆怨其正

九章十章推原亂本在於王心也師尹不平而歸之於天言天實為此不平者謂天生小人也即上章所謂昊天不傭也天下不寧而歸之於王言王實為此不寧者謂王任小人也即上章所謂俾民不寧也王信任小人由其心之蔽惑今王心不自懲創而反怨正救之者言不能從諫改過也○不懲其心即下章式訛爾心承我王言之指王心也舊說不懲其心指



尹氏式訛爾心乃指王今以為皆指王

家父作誦

今曰誦歌誦也僖二十八年左傳云聽與人之誦注聽其歌誦

以究王訛

箋曰

究窮

式訛爾心

箋曰訛化也

以畜萬邦

畜許六反○箋曰畜養也

家父自顯其字云已作此歌誦以窮究王致訛亂之

由乃是王心之未回王庶幾改化其心以養萬邦謂

心一悔悟則本原既正而萬物皆理矣師尹安得容

其姦乎

陳氏曰尹氏厲威使人不得戲謔而家父既作詩復表其詩出於已以身當尹氏之怒而

不辭者蓋家父周之世臣義與國俱存亡故也○李氏曰人不足與適也政不足與間也惟大人為能格

君心之非蓋用人之失政事之過雖皆君之非然不  
必先論也惟格君心之非則政事無不知善矣用人  
皆得其當矣○詩記曰致亂者雖  
尹氏而用尹氏者則王心之蔽也

節南山十章六章章八句四章章四句

正月

正音

大夫刺幽王也

項氏曰正月將亂之時君子憂之雨無正既亂之後君子

去之

正月憂亂之作也

正月繁霜

傳曰正月夏之四月○解頤新語曰或疑四月不應有霜考之漢武帝元光四年四月隕

霜殺草晉武帝咸寧九年四月隕霜傷粟麥

我心憂傷民之訛言

箋曰訛偽也○詩記

曰凡講張為幻以罔上惑衆者皆謂之訛言

亦孔之將

傳曰將大也

念我獨兮憂

心京京

王氏曰京大也

哀我小心癩憂以痒

癩音鼠痒音羊○呂氏曰癩憂

幽也與下鼠思泣血文雖小異義亦同也○長樂劉氏曰鼠病而憂在於穴內人所不知也○傳曰痒病也

正月建巳純乾用事正陽之月也當長養之時乃有

繁多之霜肅殺之氣災變甚異我心覩此已憂傷矣

民又出訛偽之言所言甚大繁霜則天令乖訛言則

民思亂而君臣上下安其危而利其菑曾不覺悟念

我孤特一人為王憂之京京然其憂甚大謂憂國將

亡而非一己之私憂也哀哉我小心畏謹幽憂而至於  
痒病也已獨憂之而衆皆不察故謂之幽憂

父母生我胡俾我瘡

音庚○傳曰瘡病也

不自我先

蘇氏曰自從也

不自

我後好言自口莠言自口

莠音酉○王氏曰莠惡也穀謂之善則莠惡可知也○今

曰與巧言出自口矣同意

憂心愈愈

蘇氏曰愈愈益甚之意

是以有侮

人窮則呼父母言父母生我何為使我瘡病乎不出  
我之前不居我之後適當其時是我生之不幸也好  
言謂說好莠言謂說惡訛言之人好惡惟其口之所

出本非由中之言無真實也我見其變亂是非將有禍敗憂心愈愈然益甚而小人反見侮謂我為張皇過慮也

憂心惇惇

音瓊○王氏曰惇惇獨也

念我無祿

陳氏曰祿福也無祿猶言不幸也○今曰

左傳無祿獻公即世

民之無辜并其臣僕

并音併○朱氏曰并俱也其子云商其淪喪我

罔為臣僕

哀我人斯于何從祿

今曰即上文無祿之祿

瞻烏爰止于誰

之屋

惇惇然獨憂念我之無福也遭國將亡民之無罪辜

者皆將見虜以為臣僕矣哀我今之人將復於何所  
而獲福乎瞻視烏鳥之飛不知其將止於誰之屋喻  
民將歸於誰君乎郭林宗曰不知瞻烏爰止于誰之  
屋耳

瞻彼中林

傳曰中林  
林中

侯薪侯蒸

箋曰侯維也○薪蒸解  
見無羊○蘇氏曰其殘

之也甚矣大家世族  
散為皂隸亦猶是也

民今方殆視天夢夢

音蒙○釋訓  
曰夢夢亂也

○錢氏曰  
無聞知也

既克有定靡人弗勝

鄭如字  
毛音升

有皇上帝

朱氏  
曰皇

也天伊誰云憎

興也林以竹木叢聚得名宜有喬木今斧斤伐之所  
存唯薪蒸喻虐政所殘其民凋弊也方民之危殆無  
所赴訴視天若夢夢然罔聞知此特天之未定耳少  
焉天定則福善禍淫人未有不為天所勝者惟皇上  
帝所憎者誰歟天之所以為大非有所憎其為天所  
勝者皆人自取禍耳

謂山蓋卑為岡為陵民之訛言寧莫之懲召彼故老訊

之占夢

訊音信○傳  
曰訊問也

具曰予聖誰知烏之雌雄

山則高矣而或謂山為卑然有為山脊之岡者有為  
大阜之陵者而謂之卑可乎喻小人訛言變亂是非  
以賢為否如此而王曾不懲止之乃召彼宿舊元老  
但問之占夢之事其所問不急也李義山詩云可憐  
夜半虛前席不問蒼生問鬼神亦此意也君臣迷甚  
皆自謂聖如烏鳥之雌雄無以相別也

歐陽氏曰凡禽鳥之雌雄

多以其首尾毛色不同而別之烏之首尾毛色雌雄不異人所難別○詩記曰孔叢子子思言於衛侯曰君之國事將日非矣公曰何故曰有由然焉君出言自以為是而卿大夫莫敢矯其非卿大夫出言亦自



以為是而士庶人莫敢矯其非君臣既自賢矣而羣  
下同聲賢之賢之則順而有福矯之則逆而有禍如  
此則善安從生詩曰具曰予聖誰  
知鳥之雌雄抑似君之君臣乎

謂天蓋高不敢不局

傳曰局曲也  
疏曰曲身也

○謂地蓋厚不敢不

踣

音積○傳曰踣累足也  
○說文曰小步也

維號斯言

號音豪○釋文曰號大呼也

有倫

有脊

傳曰倫道脊理也

哀今之人胡為虺蜴

音毀亦○虺蜴也  
解見斯干○今考

蜴

蜴上音析下音亦陸於此蜴星歷反字又作蜥是以  
蜴為蜥也誤矣○釋魚曰蜥蜴蜥蜴蜥蜴守宮也

蝮

音榮蝮音元蝮音演蜥音珍○釋曰說文云在草曰  
蝮蜴在壁曰蝮蜥方言云秦晉西夏謂之守宮其在澤

中者謂之蜥蜴南楚謂之蛇醫或謂之蝮蝮東方朔云  
非守宮則蜥蜴索此諸文是在草澤中者名蝮蝮蜥蜴

在壁者名蜺蜺守宮也博物志云以器養之食以真朱搗萬杵以點女人體終身不滅耦則落故號守宮

人謂天為高而我不敢不曲身偃俛而行懼壓也人謂地為厚而我不敢不累足小步而行懼陷也天地必無壓陷喻身處亂世禍出意外不可謂必無之事而不懼也我大呼而出此言人孰不疑其言之過然實則有倫有理何也蓋當時羣小肆毒以害人無所不至不可不慮故言可哀今之人何故為虺蜴之行為務欲傷害人乎

詩記曰家語云孔子讀詩至于正月六章惕然如懼曰彼不達之君子豈

不殆哉從上依世則道廢違上離俗則身危時不興  
善已獨由之則曰非妖即妄也故賢者既不過恐不  
終其命焉桀殺龍逢紂殺比干皆是類也詩曰謂天  
蓋高不敢不局謂地蓋厚不敢不踏此言上下畏罪  
而無所  
自容也

瞻彼阪田

阪音反○箋曰阪田崎嶇峻之處

有苑其特

苑音鬱○小弁疏曰苑茂也○

釋文曰特獨也

天之抗我

抗音兀○傳曰抗動也

如不我克

箋曰克勝也

彼求

我則如不我得執我仇仇

釋文曰仇讎也

亦不我力

朱氏曰力猶用力也

視彼險阪瘦薄之田而有鬱然特盛之苗天又為風

雨以抗動之惟恐其不勝猶昏亂之朝君子孤立而

小人多方以攻之也小人初用事則以賢者有譽望而援引之以美觀聽所謂求我以為法徒好名耳非真有任賢之心也其始求我唯恐不得既而議論不合則空執留之視為仇讎不用力於我矣知賢當力薦之既用當力主之庶賢者得展所蘊今不我力則貌敬而情疎賢者之迹不安矣安能當羣小之攻乎重言仇仇者言不一仇之無往而不忤其意枘鑿不相入薰蕕不同器也鄭氏云有貪賢之名無用賢之

實是也

心之憂矣如或結之

疏曰結纏結也

今茲之正

王氏曰邪正之正

胡然

厲矣

李氏曰厲危也

燎之方揚

燎音療○火田為燎

寧

或滅之赫赫

宗

周

傳曰宗周鎬京也

褒姒威之

褒保之平姒音似威音血○傳曰褒國也如姓也威滅也

我心之憂如有纏結之者其憂不可解也所憂者以

今之正道何其危也邪道勝則正者危君子不安也

火之燎於原其勢方盛寧有能滅之者今赫赫然昌

盛之宗周褒姒乃以一婦人而滅之是可傷也時未

滅而知其必滅也

歐陽氏曰此詩上七章皆述王信託言亂政至此始言滅周主於褒

如者謂王溺女色而致昏惑推其禍亂之本以歸罪也

終其永懷又窘陰雨

窘羣之上濁傳曰窘困也

其車既載乃棄爾

輔

疏曰輔是可解脫之物蓋如今人縛杖於輻以防輔車

載輸爾載

箋曰輸墮將也墮音麾

伯助予

將音鏹○傳曰將請也伯長也

周之將亡如火之將滅矣我永思其終又如行道之

遇陰雨其車既重載乃棄其車輔如此則必陷於泥

淖墮敗其車中之所載然後請長者助我已不及事

矣喻平時棄賢不用國危而後求賢則已晚矣

無棄爾輔員于爾輻

員音云輻音福○傳曰員益也○朱氏曰輔所以益輻也○釋文曰

輪輳也輳音老○今曰冬官輪人云輻也者以為直指也

屢顧爾僕

箋曰屢數也僕將車者也

不輸爾載終踰絕險曾是不意

喻王勿棄其車輔以益其輻又頻顧視將車之僕戒

勅之庶幾不隳敗爾之所載奈何終踰絕險之地曾

不以為意而覆敗必矣

魚在于沼

傳曰沼池也

亦匪克樂

音洛

潛雖伏矣亦孔之炤

音灼

○箋曰炤炤憂心慘慘駢之上○傳曰念國之為虐  
炤易見也

魚相忘於江湖者也今在於池沼非其所樂矣喻君子立於衰亂之朝亦非所樂也魚之深潛雖云藏伏然沼之水淺亦甚炤然易見無所逃於網罟之害喻君子雖自韜晦亦未必能避患也然君子不專為一身之安危其憂心慘慘然愁戚者唯念國之行虐政

而民罹其害耳

詩記曰文中子遊馬頰之谷遂至牛首之谿登降信宿從者樂姚義實咸

進曰夫子遂得潛乎文中子曰潛雖伏矣亦孔之炤威曰聞朝廷有召子議矣文中子曰彼求我則如不



我得執我仇仇亦不我力義曰其車既載乃棄爾輔  
威曰終踰絕險曾是不意文中子喟然遂歌正月終  
焉既而曰  
不可為矣

彼有旨酒又有嘉穀洽比其鄰

比音備○傳曰洽合也○疏曰比親比也昏

姻孔云

昏姻解見節南山○王氏曰云稱說其善也

念我獨兮憂心慙慙

傳曰

慙慙然痛也

彼小人也小人有旨酒嘉穀以和洽親比其鄰里親

戚昏姻其言云云甚稱譽之而我孤獨自傷憂心慙

慙然痛者哀小人之樂其憂也

李氏曰昔人有言曰燕雀處堂母子相安

自以為樂也。突決棟焚而子母恬然不知禍之將及也。今國勢如此而小人之徒乃羣居飲酒以相樂殆燕雀之類也。

𡗗𡗗彼有屋

𡗗音此。傳曰𡗗𡗗小也。𡗗𡗗方有穀。𡗗

連。傳曰𡗗𡗗陋也。錢氏曰𡗗𡗗穀之小也。民今之無祿夭夭是椓

夭平聲。椓音卓。

○朱氏曰 𡗗矣富人𡗗歌之上。傳曰𡗗可也。哀此惇獨

厲王之亂民之室廬蓄積蕩然矣宣王勞來還定於

是彼有𡗗𡗗然之小屋方有𡗗𡗗然之少穀正望繼

其後者愛養培植之今乃不幸又逢幽王之亂是天

為大孽以極害之也富人猶可惇獨可哀矣

李氏曰  
衰亂之

世要其極也貧富俱受其禍此言一時之虐  
政富者之財猶可以勝其求貧者愈不堪也

### 正月十三章八章章八句五章章六句

十月之交大夫刺幽王也

疏曰毛以為刺幽王鄭以為  
刺厲王毛公大儒明於訓詁

篇義誠自刺厲王無緣橫移其第改為幽王○李氏曰  
鄭氏以十月之交雨無正小旻小宛皆當為刺厲王之  
詩蓋以此篇之中疾豔妻嬭方處又幽王之時司徒乃  
鄭桓公友非此篇之所云指維司徒故以此為厲王之  
詩蘇氏以為不然鄭桓公在幽王時與番維司徒先後  
用事又襄姒以色居位謂之豔妻其誰曰不可當從此  
說觀鄭氏以詩所言襄氏與番維司徒為厲王之詩其  
下雨無正小旻小宛亦以為厲王其意以謂四序皆言

大夫疑是一人之作  
其說未之敢信也

十月之交刺用七子以致災變也

十月之交

曰十月建亥之月也。○蘇氏曰十月為純陰

陰壯之甚。○傳曰交日月朔月辛卯日有食之。疏曰日

之交會。○疏曰謂朔日也。

朔月辛卯日有食之

疏曰日

食之也何休云不言月食之者其形不可得而觀故疑  
言日有食之周天三百六十五度四度之一日月皆  
右行於天一晝一夜日行一度月行十三度十九分度  
之七二十九日有餘而月行天一周追及於日而與之  
會交會而日月同道則食月或在日道表或在日道裏  
則不食矣又歷家為交食之法大率以百七十三日有  
奇為限然月先在裏則依限而食者多若月在表則依  
限而食者少杜預見其參差乃云日月動物雖行度有

大量不能不少有盈縮故有交會而不食者或有頻交而食者此得之矣○歐陽氏曰日君道也月臣道也望而至於黃道是謂臣干君明則陽斯蝕之朔而至於黃道是謂臣壅君明則陽為之蝕十月之交於歷常蝕君子猶以為變詩人悼之然則古之太平日不蝕星不孛蓋有之矣若過至未明月或變行以避之或五星潛匿日下禦侮以救之或涉交數淺或在陽歷陽盛陰微則不蝕或德之休明而有小青焉則天為之隱雖交而不蝕四者皆德之所由生也先儒又謂交而食陽微而陰乘之也交而不蝕陽盛而陰不能掩也此則係乎人事所感蓋臣子背君父妾婦乘其夫小人陵君子夷狄侵中國所感如是則陰盛陽微而日為之食矣○李氏曰唐書志云以歷推亦孔之醜傳曰醜彼月而微箋曰微之在幽王之六年

此日而微

朱氏曰晦朔而日月之合東西同度南北同道則月揜日而日為之食望而日月之對同

度同道則月亢  
日而月為之食今此下民亦孔之哀

首章言日食之變也十月建亥日月交會當月之朔  
其日辛卯日為之食以純陰之月而日復為月所掩  
見陰壯之盛此其為變亦甚醜惡矣蓋彼月食而不  
明未為醜此日食而不明則為醜也傷敗將至災異  
先出故此下民將罹其禍而可哀也○鄭氏以十月  
為周正乃夏之八月詩皆夏正獨以此為周正可乎  
四月維夏六月徂暑夏正之明證也況此十月日食

在幽王之六年鄭氏失考耳

日月告凶不用其行

箋曰行道度也不用之者謂相干犯也○朱氏曰不用其行者月不

避日失其道也

四國無政不用其良彼月而食則維其常此日

而食于何不臧

朱氏曰陰亢陽而不勝猶可言也陰勝陽而揜之不可言也

次章言天災人禍相會也日月告以凶證而不由其道謂月揜日也四方無政事而不用其善謂暴亂又作也因天變而修人事則可以轉災為祥今天變既如彼人事又如此郭林宗所謂夜觀乾象晝察人事

天之所廢不可支也此主言日食而云日月告凶者  
謂月侵於日而食也日月之食皆為變然以陽侵陰  
獨為常事以陰侵陽何其不善也

燿燿震電

燿音葉。傳曰燿燿震電貌。震雷也。

不寧不令

去聲。朱氏曰令善也。十月而

雷電山崩水溢災異之甚

百川沸騰

傳曰沸出也。騰乘也。

山冢萃崩

萃徂恤反。濁音也。讀

作遂之入次清音非。傳曰山頂曰冢。箋曰萃者崔嵬。釋曰山巔之末其峰巉巖。今曰漸漸之石維其

卒矣。卒與萃同。

高岸為谷深谷為陵哀今之人胡憖莫懲

憖上

○錢氏曰憖痛也



三章言日食之後災異荐至也雷電熒熒然者常也而十月見之則不安不善是天道乖矣百川之水皆沸溢而相乘山頂萃然崔嵬者又皆崩落高岸陷為深谷深谷出為高陵又皆於十月見之是地道亂矣變異荐臻哀哉今幽王君臣何為處可痛而莫懲創也

皇父卿士

父音甫。○箋曰：皇父字也。○今曰：皇父家伯仲允三人皆不著其姓也。蓋其妻黨隱三年。

左傳云：鄭武公莊公為平王卿士。注云：卿士王卿之執政者。

番維司徒

箋曰：番氏也。

家伯

維宰

箋曰家伯字也宰冢宰也

仲允膳夫

箋曰仲允字也膳夫上聚士也掌王之飲食膳羞

子內史

梁音鄒○箋曰梁氏也內史中大夫也掌爵祿廢置殺生子奪之法

蹶維趣馬

蹶音

蹶趣蒟之上○箋曰蹶氏也○今曰夏官趣馬下士注云趣養馬者也

橘維師氏

橘音矩○箋曰

橘氏也師氏中大夫也掌司朝得失之事

豔妻煽方處

豔音焰煽音扇處音杵○傳曰豔妻褒姒

也美色曰豔煽熾也

四章言致災由任羣小也故歷數其人有字皇父者

為卿士而執政番氏為司徒字家伯者為冢宰字仲

允者為膳夫梁氏子為內史蹶氏為趣馬橘氏為師

氏此七子者以豔妻讓如其勢熾盛之時依附以進  
身方處勢位未有轉動則災異無消去之理矣羣小  
根據必有內寵主之所以難去也

抑此皇父

朱氏曰抑發語辭

豈曰不時

陳氏曰不時問其非時

胡為我作

朱氏

曰作動也

不即我謀

朱氏曰即就也

徹我牆屋田卒汙萊

音烏來○朱氏曰卒

盡也○傳曰下則汙高則萊○疏曰汙者池停水之名禮記云汙其宮而瀦焉是也萊者草穢之名皇父以親寵封於畿內既封即築都邑令邑人居之役之不以時先毀牆屋而後令遷邑人廢其家業故述其情以告之

曰予不戕

今曰并傍從斤者音鏘方登斧也此并傍從戈者音牆殺也殘也登音苛

禮則然

矣

五章六章專言皇父首惡也用民之力當於農隙抑此皇父所為豈肯言其非時乎何為動我以遷徙而不先就我謀乃徑徹毀我之牆屋使我田不獲治下者盡為汙池高者盡為草萊乃曰我不戕殘汝下供上役禮則然矣古者興功動衆謀及庶人順民心也

皇父孔聖作都于向

商之去○傳曰向邑也○疏曰左傳說桓王與鄭十二邑向在其中

杜預云河內軹縣西有地名向上則向在東都擇三有

之畿內也○朱氏曰向今孟州河陽縣是也

事

傳曰三有事國之三卿○疏曰皇父封於畿內當二卿今立三有事是增一卿以比列國也 宣侯

多藏

去聲○傳曰宣信侯維也

不慙遺一老

慙銀之去○釋文曰爾雅云慙強也且也

俾

守我王擇有車馬以居徂向

幽王君臣具曰予聖故皇父亦以聖自居詩人因其自聖而譏之謂爾皇父甚聖矣其作都邑於所封之向邑擇立三卿已非畿內之制又所擇者信維聚斂多藏之人其作向邑既成令公卿大夫盡往送之不强留一老使之守衛我王又擇民之富有車馬者以

往向邑而居知有私邑不復知有王室皇父所謂孔

聖者如此

黽勉從事

黽音泯

不敢告勞無罪無辜讒口

黽黽音遯箋曰黽

黽衆多貌

下民之孽

孽音聞○疏曰孽災害也

匪降自天噂沓背憎

噂沓背音

搏踏佩○傳曰噂猶噂沓沓猶沓沓○說文曰噂聚也○陳氏曰噂聚談也○蘇氏曰沓重複也

職競

由人

傳曰職主也

七章言已被讒也已自勉以從王事固不敢告勞以

言功也無罪無辜而讒口黽黽然衆多是將求免其

過而不可得也下民之災害非自天降嚶嚶聚談沓  
沓重複多言以相悅而背則相憎專力為此者人也

悠悠我里

箋曰里居也。王氏曰我所居里。今曰悠悠遠也里鄉里也周禮五邾為里亦孔

之疇

音昧又音悔傳曰疇病也

四方有羨

延之去。傳曰羨餘也。今曰此羨訓餘當作余箭

反諸本作徐箭反則訓慕誤也

我獨居憂民莫不逸我獨不敢休天命

不徹

王氏曰徹通也

我不敢傲我友自逸

八字句

八章言已欲去不得也仕不得志則思其鄉里悠悠  
然道遠而未得歸亦甚病矣已不得去故慕得去而

在外者謂彼四方之人皆有羨餘我獨居此憂愁之地民莫不得優游自逸我獨不敢休息天命不通無可奈何勉之而已不敢倣我友自逸潔身而去也○

觀雨無正昔爾出居知幽王之時大夫有出外避禍者此詩末章與雨無正末章意同皆不得去羨已去

者

疏曰其友與王無親故舍王而去已則王之親屬故不敢倣也

十月之交八章章八句

雨無正

音政

大夫刺幽王也雨自上下者也衆多如雨而



非所以為政也

歐陽氏曰古之人於詩多不命題而篇名往往無義例其或有命名者則必述

詩之意如巷伯常武之類是也今雨無正之名據序曰雨自上下者也言衆多如雨而非政也今考詩七章都無此義與序絕異常關其所疑○劉諫議曰嘗讀韓詩有雨無極序云雨無極正大夫刺幽王也比毛詩篇首多雨無其極傷我稼稿八字○補傳曰詩之命名皆摘取詩中之語獨雨無正巷伯常武酌齊般六篇特出詩人之意非有序以發之雖孔子亦不能知其為何詩也韓詩篇首多二句是詩前二章皆十句加以二句已不可信據今序之文以求詩人之言亦可見非所以為政之意

此詩刺刑罰不中忠言不用遂致人心離散所謂衆多如雨也或以此詩名而疑序且詩名不用詩語者

多矣何獨此詩也

浩浩昊天

浩音藻又音鎬昊音鎬○王氏曰浩浩廣大流通之意○今曰釋文云浩浩大水貌不

駿其德

駿音峻○傳曰駿長也

降喪饑饉

音僅○傳曰穀不熟曰饑蔬不熟曰饉

斬

伐四國昊天疾威

昊音闕

弗慮弗圖舍彼有罪

舍音捨

既伏

其辜若此無罪淪胥以鋪

平聲○傳曰淪率也箋曰胥相也鋪偏也

首章言刑罰不中也人窮則呼天曰浩浩然廣大之

昊天何為不駿長其德乃降喪亂饑饉以斬伐天下

也既生之乃斬伐之是其德不長久也天既迅烈威

虐王當恐懼脩省庶可以回天意今乃不思慮不圖謀彼有罪而伏辜者姑捨勿論若此無罪者而使之淪率相引而鋪徧皆得罪焉何其無分別也

周宗既滅靡所止戾

傳曰戾定也

正大夫離居

箋曰正長也○王氏曰周

官八職一曰正六官之長是也

莫知我勩

音曳○傳曰勩勞也

三事大夫

李氏曰徐安道

以謂周官云三事暨大夫舉三公及大夫也

莫肯夙夜邦君諸侯莫肯朝夕

朝如字又音潮○錢氏曰朝朝見也夕暮見也

庶曰式臧覆出為惡

傳曰覆反也

次章言人心離散也周之宗族既滅將有易姓之禍

天下未有安定也周時雖未滅而敗壞之極知其必滅也正大夫六官之長也此作詩之大夫言其長離居去位以避其禍莫知我之從王而勞勩也又三公及其餘大夫莫肯夙興夜寐以勤王事者邦君諸侯莫肯朝暮省王者人心離散國危如此庶幾曰王今改過用善乃反出而為惡威虐愈甚也

如何昊天辟言不信

辟音開○傳曰辟法也

如彼行邁

釋文曰邁遠行也

則靡所臻

朱氏曰臻至也

凡百君子

箋曰謂衆在位者

各敬爾身胡不

相畏不畏于天

三章言已忠言不用也君子見王不悛呼天而告之  
曰如何乎昊天我之告王者皆法度之言王終莫肯  
信不信法度之言則必信非法之言如人迷途而遠  
行俵俵然我不知其所至矣既已憂之則又告其衆  
在位之君子言羣臣當自敬其身勿苟合以長其惡  
今何為上下不相畏乎不畏人是不畏天也

戎成不退

傳曰戎兵也

饑成不遂

傳曰遂安也

曾我誓御

誓音薛箋曰

曾但也。○傳曰：摯御侍御也。○今懞懞日瘁。懞懞之上瘁音萃。○

傳曰：瘁病也。

凡百君子莫肯用訊。箋曰：訊告也。聽言則答，譖言則

退。

四章言羣臣無忠告也。兵戎之禍已成，而其勢不退，言外患之熾也。饑困之災已成，而其生不遂，言內憂之迫也。但我摯御小臣懞懞憂之，日益瘁病，而衆在位之君子莫肯以禍亂將至告王者，至於聽人之言，則應答之謂聽人言時事則已，酬應之以為信，然是

其心非不知亂之將至也但私議於所親厚而不以告王耳人有譖言及已則奉身而退矣

哀哉不能言匪舌是出

吹之去

維躬是瘁哿以能言

哿歌之上

○傳曰哿可也巧言如流俾躬處休

五章斥巧佞也幽王惡直言而好巧言哀哉賢者之不能言謂能直言而不能巧言也惟不能巧言以阿上意故言則忤物非出於舌而但已也將躬受其病矣謂言出而禍隨也可矣小人之能言者巧佞之言

如水之流無所凝滯使其身處於安樂之地積順生愛也

維曰于仕

傳曰于往也

孔棘且殆

箋曰棘急也

云不可使得罪于

天子亦云可使怨及朋友

六章言亂世進退皆有咎也今維曰仕往耳曾不知仕之甚急而且危也正直者謂之不可使將得罪於天子諛佞者謂之可使又見怨於責善之友從道則違時從時則違道寧得罪於天子不可得罪於公議



也

謂爾遷于王都曰予未有室家鼠思泣血

思音伺。王氏曰鼠思幽

思也。○范氏曰凡物之多畏者唯鼠為甚。○傳曰無聲曰泣血。○疏曰淚出於目猶血出於體故以淚比血禮

記云子臯執親之喪泣血三年無言不疾昔爾出居誰從作爾室

七章責引去者也時有大夫去朝者其友之留者思而呼之曰爾可遷居于王都也去者不從以王都無室家為辭留者於是謂我憂思而至於泣血無一言而不見憎疾於人也且爾昔之出居於外誰為爾作

室乎能作室於外而乃謂王都無室家何哉我之此  
言爾必憎疾蓋言切中則人所惡也

補傳曰詳味此詩可謂衆多如

雨非為政之道也

雨無正七章二章章十句二章章八句三章章

六句

詩緝卷二十

欽定四庫全書

詩緝卷二十一

宋 嚴粲 撰

小旻

音閏

大夫刺幽王也

呂氏曰小旻小宛小弁小明明言小者篇在小雅恐與大雅相亂

以別之今大雅止有大明餘篇疑亡○蘇氏曰其在小雅者謂之小旻在大雅者謂之召旻

小旻刺不能聽謀將致亂也

旻天疾威

釋天曰

秋曰旻天○王

敷于下土

傳曰敷

謀

布也

敷

謀

敷

謀

猶回遘

音聿○傳曰回

邪也遘僻也

何日斯沮

音咀○箋曰沮止也

○今曰沮有所憚而

止謀臧不從不臧覆用

箋曰覆反也

我視謀猶亦孔之邛

音窮

○傳曰  
邛病也

首章次章言謀而不能擇也旻天以仁憫為稱今乃  
迅烈威虐敷布于下土使徧受其害言災禍荐臻也  
是皆人事有以召之幽王宜恐懼而改圖矣今謀猶  
邪僻不反其轍不知更待何時而後畏沮也謂天怒  
已甚王改過豈可緩乎羣臣之謀非無可從者但王  
於謀之善者不從謀之不善者反用我視其謀猶亦

甚病矣

渝渝訛訛

渝音吸訛音紫○蘇氏曰渝渝言相和也訛訛言相詆也○李氏曰劉向云渝渝相是而

背君亦孔之哀謀之其臧則具是違箋曰具俱也謀之不臧

則具是依我視謀猶伊于胡底

音旨○箋曰底至也

羣小相聚渝渝然相和而苟合訛訛然相詆而苟毀  
同乎已者以為是異乎已者以為非小人之好惡如  
此甚可哀矣謀之善者俱背違之謀之不善者俱依  
就之我視其謀猶則亦何所底至乎至於亂亡而已

我龜既厭

去聲

不我告猶謀夫孔多是用不集

傳曰集就也

發

言盈庭誰敢執其咎

李氏曰左傳楚子伐鄭其六卿三欲從楚三欲待晉子駟曰請從楚

駢也受其咎

如匪行邁謀

釋文曰邁遠行也

是用不得于道

三章言謀之非其人也易曰再三瀆瀆則不告卜筮

既數龜亦厭之不復告其所圖之吉凶言卜之不中

也謀事者雖多而不能斷則惑於議論之不定是以

不能有就發言滿庭而無敢決然任其責者謂事若

不成則咎有所歸故皆持兩端也如人欲行路必問

於曾行之人非行邁之人而與之謀問其所不知宜其無得於道路之事也如沈慶之言耕當問奴織當訪婢也

哀哉為猶匪先民是程

疏曰民者人之大名其實是聖賢也。○今曰書相古先民有夏

程法也

匪大猶是經

箋曰大猶大道也。○傳曰經常也

維邇言是聽維

邇言是爭如彼築室于道謀是用不潰于成

傳曰潰遂也

四章言謀而不能斷也哀哉今之為謀不以古人為程法不以大道為經常維淺近之言是聽受是爭辯

言所見止於目前而無遠圖也如築室於道傍與行道之人謀之人人異見故不得遂有成也

朱氏曰古語云作舍

道傍三年不成

國雖靡止

蘇氏曰止定也

或聖或否

音在

民雖靡盬

音呼○疏曰盬大也無大

有人言少也

或哲或謀或肅或艾

音刈○傳曰艾治也○朱氏曰聖哲謀肅又即洪範

五事之德

如彼泉流無淪胥以敗

箋曰淪率也胥相也

五章言賢愚將同受其禍也國雖無所止定而人有通聖者或有不然者民雖寡少亦或有明哲者或有



善謀者或有恭肅者或有能理治者豈可厚誣天下

為無人哉人主能擇其賢者而用之則天下之人皆

賴以濟今乃使小人用事於上則政亂國敗賢愚皆

喪亡矣如衆泉之流更相灌注一處決潰則衆流俱

竭是淪率相與以敗也

蘇氏曰雖世亂民僻猶有賢者在焉苟能用之愚者可賴

以皆濟也苟廢而不用而使愚者壅之於上則相與皆敗無能為矣

不敢暴虎

傳曰徒搏曰暴虎

不敢馮河

馮音憑○傳曰馮人知陵也徒涉曰馮河人知

其一莫知其他戰戰兢兢

傳曰戰戰恐也兢兢戒也

如臨深淵如履

薄冰

末章言懼禍也虎不可以徒搏河不可以徒涉人特  
知此一等事耳不知其他更有可畏之事謂國將亡  
而禍及已也暴虎馮河其禍立至則知畏之亡國之  
禍稍緩則不知畏也我則戰戰而恐兢兢而戒如臨  
深淵之恐墜如履薄冰之恐陷懼之甚也荀子云人  
不肖而不敬則是押虎也遂引此章蓋斷章取義耳  
毛祖其師之說以為不敬小人之危殆今考本詩諸

章止言不能聽謀無畏懼小人之意

小旻六章三章章八句三章章七句

小宛

婉音

大夫刺幽王也

小宛刺不能自強而昏於酒下不能撫其子上不能

紹其先也

宛彼鳴鳩

傳曰宛小貌。曰鳴鳩鵲鵲之鳩郊子所謂鵲鳩氏司事

也即氓詩食甚莊子所謂鷺鳩

也非斑鳩也鵲音骨又如字鵲音朝亦作鷺鷥音學。○釋鳥曰鷺鷥鷺鷥九勿反。○郭璞曰似山鵲而小短

尾青黑色多聲今江東亦呼為鷺鷥。○杜預曰春來秋去故為司事。○釋曰按舊說及廣雅皆云斑鳩非也。○

山陰陸氏曰莊子所謂鷺鷥笑之者是也也多聲故名鳴

鷺鷥鳴鳩小物決起而飛搶榆枋時則不至控於地而已

矣今飛鳴戾天勉強故也性食桑葚陸機云一名斑鳩

似鷺鷥而大項有繡文斑然與此鷺鷥全異機之言非

此鳥喜朝鳴故曰鷺朝也此鳥朝鳴曰朝翰飛戾天

夜鳴曰夜搶音鏘枋音坊木名咬音夜

聲○蘇氏曰翰羽也○傳曰戾至也我心憂傷念昔先人陳氏曰先人據

也明發不寐疏曰明發從夕至明也夜地而闇至有懷

二人蘇氏曰二人文武也

首章刺不能自強也興也宛然而小之鳴鷺決起而

飛搶榆枋不至而控於地者亦然亦有羽飛至天之

志事在強勉而已幽王不自奮起曾鳴鳩之不若將  
日就衰替墜其祖宗之業矣故我心憂傷其如此追  
念先人宣王能自夕至明憂勤不寐永懷文武之烈  
惟恐失墜遂致中興此幽王家庭所親見而曾不念  
之乃令臣下念之乎

人之齊聖

○今曰謂整齊也  
○疏曰聖通也

飲酒溫克

○傳曰克勝也

彼昏不知

壹醉日富

○今曰壹專也壹醉專務酣飲也  
○陳氏曰富益也

各敬爾儀天命不

又

○傳曰又復也

次章刺沈湎也人之整肅通達者其飲酒也能以溫  
和自克彼昏昧而不知者專務酣飲日以增益唯酒  
是務焉知其餘也以酒喪德君臣沈湎則天命將改  
矣故戒羣臣以各敬爾威儀恐天命一去不復來也  
○齊聖廣淵底至齊信生而徇齊彼皆言聖人之事  
此言齊者止謂整肅也或疑飲酒小節未必係天命  
之去留殊不知蕩心敗德縱慾荒政疎君子而狎近  
倖玩寇讎而忘憂患皆自飲酒啓之禹惡旨酒曰後

世必有以酒亡國者歷觀前史其事可監晉元帝以王導一言而覆杯其能植立江左宜哉

中原有菽

音叔。傳曰中原原中也。菽藿也。○采菽箋曰菽大豆也。采其葉以爲藿。○疏曰以言采

之明。采取其葉。○采菽疏曰公食禮云鉶芼牛藿羊苦豕薇皆有滑注云藿豆葉也。苦苦荼也。滑莖萑之屬。是以鼎煮牛取其骨髓置之於俎。其汁則芼之以藿調以臠醢乃盛之於鉶。謂之鉶羹。萑音完。○今曰箋於生民荏菽及采菽皆云大豆。庶民采之螟蛉有子。○

銘零。○

傳曰螟蛉桑蟲也。○陸氏曰桑上小。青蟲也。其色青而細小或在草葉也。螟蠃負之。○

蠃音果。蠃羅之。

上○曰螟蠃者細腰蜂也。俗呼爲螟蠃。記所謂蒲盧也。○郭璞曰即細腰

○蠶○鄭注中庸曰土蠶○山陰陸氏曰即今細腰土蠶  
○解頤新語曰說者考之不精乃謂螺贏取桑蟲負之  
七日化為其子雖揚雄亦有類我類我久則肖之之說  
近世詩人取螺贏之巢毀而視之乃自有細卵如粟寄  
螟蛉之身以養之其螟蛉不生不死蠢然在穴中久則  
螟蛉盡枯其卵日益長大乃為螺贏之形穴竅而出蓋  
此物不獨取螟蛉亦取小蜘蛛置穴中寄卵於蜘蛛腹  
脅之間其蜘蛛亦不生不死久之蜘蛛盡枯其子乃成  
今人養晚蠶者蒼蠅亦寄卵於蠶之身久之其卵為蠅  
穴滿而出殆物類之相似者列子云純雌其名大腰純  
雄其名穉蠶莊子云細腰者化說文云天地之性細腰  
純雄無子此皆信說詩者之言也古人名物多取形似  
瓠之細腰者曰蒲盧故蠶之細腰者亦名蒲盧正如綬  
草綬鳥皆名以鷗青黑之莢青黑之鷗皆名以鷗也○  
傳曰負  
持也  
教誨爾子式穀似之  
箋曰式用  
也穀善也



三章刺黜其子也幽王黜太子宜臼宜臼奔申侯此章刺之言中原有菽庶民乃采之而去桑蟲有子螺贏乃持之而去喻王有太子不能撫愛而申侯乃挾而去之也王若以宜臼為不肖何不教誨之用善道而使之似續於已乎錢氏曰庶民采而去則非我所保矣螺贏持而去則非我所保矣今王有子乃黜棄之將有挾之而為不善者

題彼脊令

題音弟○傳曰題視也○曰脊令雪姑也飛則鳴解見常棣

載飛載鳴

箋曰

載之言則也

我日斯邁

箋曰邁行也

而月斯征

箋曰征行也

夙興夜寐

無忝爾所生

歐陽氏曰所生謂宣王也  
○今日即首章先人也

四章申首章之意也他鳥飛則不常鳴唯脊令且飛  
且鳴口翼俱勞無有止息可以人而自暴自棄乎今  
日月逝矣王宜愛惜日力夙夜勉勵無辱宣王也脊  
令飛鳴即鳴鳩戾天之意 宣王承衰亂之後而能  
中興幽王繼中興之緒反致衰亂故一曰先人二曰  
所生以其所親見者勉之言非上世久遠難知之事  
也

交交桑扈

胡之上濁。○歐陽氏曰：交交，參雜相亂之謂也。○曰：桑扈有二種，此青雀也。性之竊脂者，

也。○釋鳥曰：桑扈竊脂。○郭璞曰：俗呼青雀，背曲食肉，喜盜脂膏，食之因以名云。○山陰陸氏曰：淮南子云：馬不食脂，桑扈不啄粟，非廉也。桑扈，蓋一名而二種。若魯有兩曾參也。釋鳥云：桑扈竊脂，鵲鷦鷯剖葦，此桑扈之一種也。桑扈竊脂，棘扈竊丹，此桑扈之一種也。蓋對剖葦言之，則竊脂者所謂青質背曲食肉好盜脂膏者是也。對竊丹者言之，則竊脂者所謂素質其翅與領皆鶯然而有文章者是也。所謂交交桑扈，率場啄粟者，正以其性之竊脂者言之也。故以啄粟為失其性，交交桑扈有鶯其羽者，正以其色之竊脂者言之也。故其序曰：君臣上下動無禮文焉。蓋君臣素以為質而文之者，禮也。釋獸云：虎竊毛謂之號貓，又云：鼯如小熊竊毛而黃，竊毛皆謂淺毛。則下扈竊玄言淺黑，秋扈竊藍言淺青，冬扈竊黃言淺黃，棘扈竊丹言淺赤，桑扈竊脂言淺白，固其

理也且爾雅主詩言之而小雅桑扈所取者有兩竊脂故爾雅亦兩解也鴉音刁鷦音僚號溝棧二音貓苗茅二音鴉音隤○補傳曰或指其色或指其性實一物耳率場啄粟哀我填寡填田之上

濁○傳曰填盡也

宜岸宜獄

傳曰岸訟也

握粟出卜

今曰史曰者傳

○箋曰窮盡也

云卜而有不審不見奪糈見古以粟問卜也糈音所

自何能穀

長樂劉氏曰穀善也

五章述民病也此桑扈性之竊脂者乃食肉之鳥而

交交然亂雜以循場而啄粟失其性也可哀哉我此

貧窮寡獨之人迫於朝夕之計宜其相與爭訟而入

於獄也言宜者謂勢使之然雖在縲紲而非其罪也

又持粟行卜問其勝負卜之曰何自而能善乎亦可  
憐矣

溫溫恭人

傳曰溫溫  
和柔貌

如集于木惴惴小心

惴追  
之去

如臨于

谷戰戰兢兢如履薄冰

末章言懼禍也溫溫然恭謹之人無過可指然處今  
亂世如集于木而恐墜如臨于谷而恐隕戰戰而恐  
兢兢而戒如履薄冰而恐陷不敢不懼也

小宛六章章六句

小弁音樂刺幽王也。太子之傅作焉。

大音泰。王娶於申，生太子宜。

曰：後得褒姒而惑之，信其讒，黜申后，逐宜臼。宜臼之傅知其無罪而憫之，故述太子之情而為之作，是詩也。

周東遷之禍，基於此人。倫廢而後夷狄乘之。

弁彼鸛斯。

鸛音豫。傳曰：弁，樂也。鸛，雅鳥也。○釋鳥曰：鸛，斯鸛。鸛，鵲音匹。又音卑。○釋曰：小而多羣。

腹下白，不反哺。○山陰陸氏曰：法言云：頻頻之黨，甚於鸛。斯亦賊夫糧食而已矣。鸛，斯賊夫糧食以衆故也。東都賦云：鴨鵝秋棲，鵲鳩春鳴。今衆鳥秋分多羣，集非時鳥也。然至春分輒兩兩而翔，不復羣矣。里俗謂之分羣。○疏曰：此鳥名鸛，而云斯者，語辭猶蓼彼蕭斯，莞彼柳斯。以劉孝標之傳學而類苑鳥部立鸛，斯之目是不精也。

歸飛提提。

音匙。傳曰：提提，羣貌。

民莫不穀。

箋曰：穀，養也。

我獨于罹。

音離。箋  
曰罹憂也

何辜于天我罪伊何心之憂矣云如之何

首章負罪引慝也興也幽王放大子宜臼將殺之其  
傅述大子之情而作此詩鴉鳥不能反哺猶已之不  
能致養是為不孝自罪之辭也鴉鳥雖不能反哺然  
出食在野飽則提提然羣飛而歸是其父子相隨為  
可樂也凡民莫不得以相養而我獨不容於父鴉鳥  
之不若也我何以得罪於天乎我之罪伊何乎心之  
憂矣云如之何則無可奈何而順受之○鳥有三種

廣雅云純黑而反哺者謂之烏小而腹下白不反哺者謂之鵲烏白項而羣飛者謂之燕烏爾雅所謂白

脰烏也

脰音豆項也

蹶蹶周道

蹶音敵。傳曰蹶蹶平易也。朱氏匪風解曰周道適周之道也。

鞠為茂草

鞠音菊。

傳曰鞠窮也。○李氏曰猶伍被謂淮南王曰

臣將見宮中荆棘露沾衣也。○非是當時已如此特預言

之耳。我心憂傷惄焉如擣惄音溺。傳曰惄思也。○假寐

永歎箋曰不脫衣冠而寐曰假寐。維憂用老心之憂矣疾如疾首疾音

赴。○箋曰疾猶病也。

○疏曰疾首頭痛也。



次章憂國將亡也周之道路以朝會往來如織故車馬蹂踐踴然平易今將鞠為茂草矣國亡則路少行人唯草生之言周之興者以歸往之衆曰串夷載路曰岐有夷之行言周之衰者以行人之稀曰鞠為茂草也我心憂傷其如是惄焉思之如有物之擣心不脫衣冠而假寐終夜永歎身未老而以憂故老也

維桑與梓

音子○解見定之方中

必恭敬止靡瞻匪父靡依匪母

不屬于毛

屬音燭○疏曰屬連屬也○朱氏曰毛體膚之餘氣未屬也

不離于裏

曰離

麗也解見邶新臺。朱氏曰衷心腹也。

天之生我我辰安在

疏曰辰十二辰也

三章怨而慕也桑梓謂祖父所植以遺子孫者今人以桑梓為鄉里者謂有祖父所植之木有存焉祖父植木猶不敢不敬況人無有瞻望而非父無有依恃而非母者烏有不敬恭敬如此而父母之不我愛豈我不連屬于父母之毛乎謂不得皮膚之氣也豈我不離麗于父母之腹乎謂不處母之胞胎也父母無不愛子之理但恐我命自薄不知天之生我我所遇

值之辰安所在乎豈皆值凶時而生乎何其不祥也

疏曰此大子為父所放耳非母放之而并言母者以人皆得父母之恩故言連之其意不怨申后也。李

氏曰如韓退之云我生不辰月宿南斗

菀彼柳斯

菀音鬱。疏曰菀茂也。

鳴蜩嘒嘒

蜩音條。嘒音諱。曰蜩蟬也。諸蟬之總名。

也。解見七月。傳曰嘒嘒聲也。

有漙者淵

漙崔之上。傳曰漙深也。

萑葦淠淠

萑葦音完。

偉淠徐音沸。本字音譬。○萑葦解見七月。○傳曰淠淠衆也。

譬彼舟流不知所屆

箋曰

屆至也。

心之憂矣不遑假寐

四章言如窮人無所歸也。菀然而茂者柳也。其上則

有蟬聲嘒嘒然漼然而深者淵也其旁則有萑葦生  
之淠淠然衆言物皆有所依也我獨如不繫之舟流  
於水中無所依泊不知所至也初猶假寐至此雖假  
寐猶不遑其憂深矣

鹿斯之奔

疏曰斯辭也

維足伎伎

音岐。傳曰伎伎舒貌

雉之朝雉

溝

去○箋曰雌雄鳴也

尚求其雌譬彼壞木

壞回之上濁字與癰同○傳曰壞傷病也

疾

用無枝心之憂矣寧莫之知

五章憂王孤立也鹿見人則奔宜速矣而伎伎然舒

緩者顧其羣也。雉朝作而鳴者求其雌也。今王黜后而放子兀然如傷病之木，內有蠹病而外無附枝也。我心之憂如此，而王寧不之知乎？冀其感悟也。

相彼投兔

相去聲。箋曰：相視也。

尚或先之

先音線

行有死人

箋曰：行道

也。尚或瑾之

瑾音覲。疏曰：瑾埋藏之名。

君子秉心

箋曰：秉執也。

維其忍

之心之憂矣。涕既隕之

隕音尹。傳曰：隕墜也。

六章述親親之怨也。視兔之見迫逐而投人人哀其窮，則及驅者未至而先存之行路之死人，初非親識。

乃或瑾埋之使免暴露人皆有不忍之心也幽王乃獨默后放子何其忍也是以心之憂而涕隕墜也

君子信讒如或醕之

醕音讎○箋曰醕旅醕也○疏曰醕酢皆作酬此作醕者古字得通

用酬有二等既酢而酬賓奠之不舉謂之奠酬至三爵之後乃舉嚮者所奠之爵以行之行於後交錯相酬名曰旅酬此喻得讒即受而行

君子不惠

箋曰惠愛也

不舒究

之

朱氏曰舒緩也

伐木掎矣

掎音紀○今曰釋文云掎從後牽也

析薪柢矣

柢音侈○

錢氏曰柢以手離之○今曰柢從才者離也廣韻亦作侈俗作扯其析薪之柢從木亦離之義也

舍彼

有罪

舍音捨

予之佗矣

○虛齋趙氏音如字今從之舊音唾○今曰韻佗亦作他他與它同無

別音之佗猶孟子  
子反顧而之他

七章言讒人離間父子也幽王信讒言如賓主飲酒  
相酬得即飲之喻聞讒卽行不違拒之也幽王心不  
惠愛太子之故不肯舒緩而究察之苟徐察之則知  
讒人之情矣木附著於本根伐木者既以斤斧伐之  
又以繩索從其後牽拽之以倒其木使絕離其本根  
又薪本一木相聯屬析薪者既斧之又以手杪而離  
之使一木析而為二皆喻幽王父子天性本附著聯

屬為一體而讒人橫離絕之也彼離絕人之父子者  
為有罪王乃捨之不問而反黜逐我令之他所○釋  
文以掎為從後牽左傳諸戎掎之襄十四年注云掎其足  
是從後牽也今伐木者斧其前乃以繩索繫其末從  
後牽而倒之故云伐木掎矣舊說掎為掎其巔不欲  
妄踣之白路音又說杙為順其理義亦迂曲而先儒承  
襲之發上下文讒人離間父子之意不出

莫高匪山莫浚匪泉

浚音濬○傳曰浚深也

君子無易由言

易音異



耳屬於垣

垣屬音燭垣音袁

無逝我梁無發我笥

梁笥解見邶谷風

我躬

不閱遑恤我後

末章憂讒人不已將為國禍也莫高莫深言無有高深於此者謂極高極深也極高者豈非山乎極深者豈非泉乎然山雖高而人能登之泉雖深而人能入之王勿謂處高深之地而人不得聞之也王不可輕易自由以言恐屬耳垣牆者將窺伺意嚮而為讒也我已被讒見逐不可解矣但慮讒人不已將敗我家

事故謂外人無逝我梁無發我筍猶顧念家國之事而不能忘也既而自歎我身尚不容何暇惜後事乎

小弁八章章八句

巧言刺幽王也太夫傷於讒故作是詩也

小弁巧言何人斯巷伯之詩作而内外上下皆困於

讒矣

悠悠昊天

李氏曰悠悠言天遠大之意

曰父母且

沮之平○歐陽氏曰且語助

無

罪無辜亂如此懣

音呼○傳曰懣大也

昊天已威

箋曰已甚也

予慎無

罪昊天泰憮

箋曰泰甚也

予慎無辜

首章傷已被讒也人窮則呼天呼父母此大夫被讒乃呼天呼父母而訴之言悠悠然遠大之昊天也及我之父母也其聽我之訴也我無罪辜而使我遭亂如此之大上天降此喪亂亦甚威大矣然我其實畏謹無罪無辜也

亂之初生僭始既涵

朱氏曰僭始不信之端也○傳曰涵容也

亂之又生君

子信讒君子如怒亂庶遄沮

遄市專反沮音咀○傳曰遄疾也沮止也

君子

如社

音恥○傳曰社福也○朱氏曰猶喜也

亂庶幾已

次章言亂生於讒讒生於優柔不斷所謂懷狐疑之心者來讒賊之口持不斷之意者開羣枉之門也讒言無實僭而不信小人為讒以漸而入初為不根之言以嘗試君之喜怒此不信之端所謂僭始也幽王既涵容之則讒人將無所憚日月既久浸潤益深禍亂愈生是君子信讒之過也凡聞人之言當別白其是非所言者非王若怒而責之則小人不敢為讒亂

庶幾速止矣所言者是王若祉而福之則君子得行  
其言亂庶幾速已矣今忠讒不分是以邪正渾淆是

非易位而亂天下也

李氏曰子張問明子曰浸潤之  
潛膚受之愬不行焉可謂明也

已矣孔子此言最盡小人之情狀夫以水之浸潤漸  
於壞物皮膚之受塵漸於垢汙小人之讒亦其以漸  
人君苟不察則小人得以逞其志漢元帝優游不斷  
是以恭顯之徒周堪蕭望之劉更生張猛四人重相  
辯論其始也元帝不之察其終也蕭望之等皆為恭  
顯所排原其所由則僭始既涵之所致也司馬溫公  
嘗舉君子如怒亂庶幾速止為患大矣

君子屢盟

箋曰屢  
數也

亂是用長

音掌。今日  
長加益也

君子信盜亂

是用暴

今曰暴驟進也

盜言孔甘亂是用餒

音談○傳曰餒進也

匪其止

共

音恭

維王之印

音窮○箋曰印病也

三章言信讒致亂也周官有司盟凡邦國有疑則殺

牲歆血告神以相要束今幽王信讒君臣相疑屢為

盟誓此亂之所以加長也盜以名小人小人讒言不

可信而幽王信之此亂之所以驟進也小人之言先

務諛說其君甘言卑辭以入之使人君如嗜甘物而

不厭此亂之所以日益進也為人臣止於敬此讒人

非止於敬徒為王之印病耳

李氏曰考之春秋如伯有之亂鄭伯與其臣下

盟蓋盟者生於君臣相疑而致也禮云與其有聚斂之臣寧有盜臣以其害人如盜賊然

奕奕寢廟

奕音亦。傳曰奕奕大貌。錢氏曰宮室後曰寢前曰廟。

君子作之秩秩

大猷

秩音帙。李氏曰秩秩序也。箋曰猷道也。

聖人莫之

王氏曰莫定也。他人有

心予忖度之

忖村之上度音鐸。錢氏曰忖默度也。

躍躍毚兔

躍音陽。毚音譌。疏

曰躍疾也。傳曰毚兔狡兔也。

遇犬獲之

四章言已知讒人之情也奕奕然高大之寢廟唯君

子能作之秩秩然有序之大道唯聖人能定之此非

我所能也至於忖度他人之心則我能之爾讒人見  
讒自謂深密我不得而知不知我能忖度爾心而知  
之爾讒人如兔之狡躍躍然疾跳謂人無如之何然  
遇犬則獲之言讒人雖狡險得志又更有狡險者中  
傷於汝自古小人更相傾陷豈有善終者哉兔犬皆  
喻小人也忖度讒人之心如下篇何人斯皆忖度之  
辭也

荏染柔木

荏音稔染音冉○傳曰荏染  
柔意也柔木梧桐梓漆也

君子樹之往來



行言心焉數之

焉本義音煙本注如字數蛇蛇碩言蛇

移○歐陽氏曰蛇蛇舒遲安閑之貌○箋曰碩大也

出自口矣

今曰與正月好言自口莠言自口同

意巧言如簧顏之厚矣

五章戒王愛護善類勿信讒言也荏染然之柔木良材也君子當封殖之俾無牛羊斧斤之患往來道塗之言誣謗善人何可介意乎若數記此道塗之言則小人得駕飛語以中傷君子矣蓋小人蛇蛇然舒遲安閑敢為大言而無忌憚惟其口之所出非由中之

言無真實也其言之巧如笙簧之可聽然皆不根之  
談以誣善人而不知恥其顏厚矣人有愧於心必形  
於色中心達於面目也今小人面皮厚故無愧恥之  
色

彼何人斯

箋曰何人者斥譏人也賤而惡之故曰何人

居河之麋

音眉○傳曰水草交

謂之麋

○李氏曰左氏吾賜汝孟諸之麋

無拳無勇

傳曰拳力也

職為亂階

箋曰職主

也既微且尫

慵之上濁○傳曰胛瘍為微腫足為尫

音限脚脛也瘍音羊瘡也○箋曰居下濕

也

之地故生微尫之疾

爾勇伊何為猶將多

箋曰猶謀也將大也

爾居徒幾何

末章指讒人而惡之言彼何等人居河濱水草之交  
其居室陋既無拳力又無勁勇其人至弱而敢主為  
此亂之階梯此人自謂勇而有謀既患脛瘡有微之  
疾又患腫足有癰之疾爾假有勇伊何能為汝為謀  
大多矣汝所聚居之徒衆亦幾何人無能為也讒者  
多摘人之短而矜己之長此人實無所長王惑而信  
其言耳

巧言六章章八句

何人斯蘇公刺暴公也暴公為卿士而譖蘇公焉故蘇

公作是詩以絕之

箋曰暴也蘇也皆畿內國名○疏曰左傳云昔周克商使諸侯撫封蘇念

生以溫為司寇則蘇國在溫春秋時蘇稱于此云公者蓋子爵而為三公也

彼何人斯其心孔艱胡逝我梁

箋曰逝之也梁魚梁也在蘇國之門外○蘇氏

曰梁橋也

不入我門伊誰云從維暴之云

暴公與其侶同見王而譖蘇公蘇公作詩首章未及  
譖事姑為優柔之辭以疑之言彼是何人乎薄之之  
辭也彼人之心艱險而難知何以言之我所居有魚

梁彼人逝我魚梁而不過我是其心艱險而可疑矣  
既而問其所從則暴公也首章但言二人相從同見  
王而不見我其情可疑矣○鄭氏以首章彼何人斯  
為指暴公之侶歐陽氏以首章彼何人斯為指暴公  
然下章云二人從行誰為此禍猶未有所指則首章  
不應便指其人也

二人從行誰為此禍胡逝我梁不入唁我

音

始者不

如今云不我可

今日不以我為可言不悅我也漢劉向傳上問楊興朝臣斷斷不可光祿勳何

耶斷牛斤反忿疾之  
意光祿勳謂周堪

次章方言已被譖也言二人同見王而不見我我固  
疑其艱險今我果被譖不知此二人之中誰實譖我  
乎猶未敢指定一人也然我與暴公為友我已得譴  
暴公當弔唁我何為亦逝我魚梁過我門而入不弔  
我乎暴公初焉與我厚不如今之薄也其不以我為  
可乎是不能無疑於暴公矣

彼何人斯胡逝我陳

傳曰陳堂塗也○孫炎曰堂下  
至門之徑○解見陳防有鷗巢我

聞其聲不見其身不愧於人不畏于天

三章四章始責暴公彼何人斯皆薄之之辭也何故  
近我堂塗使我得聞女之聲音不得覩女之身乎是  
汝譖我其心有愧不欲見我也汝不愧于人不畏于  
天乎責之之辭也

彼何人斯其為飄風

飄如字從韻書本注音飄○錢氏曰飄風暴起之風也○今曰釋天

云迴風為飄郭璞注云旋風也毛於匪風詩引迴風為飄又云飄風非有道之風旋風迴旋無定故不自北不  
自南胡不自北胡不自南胡逝我梁祗攪我心  
祗攪音支

狡○箋曰

祇適也傳  
曰攪亂也

彼人如暴起之迴風又不自北又不自南言無準也  
喻讒者之反覆不測也何為逝我魚梁不入我門適  
攪亂我心使我疑汝也

爾之安行亦不遑舍爾之亟行

亟音棘○箋曰亟疾也

遑脂爾車

解見  
泉水

壹者之來云何其盱

箋曰盱病也

五章六章反覆委曲以情責之也汝之不來見我謂  
無暇耳我謂爾行之緩乎亦不見爾舍息固不可謂



有暇也我謂爾行之急乎又閒暇而脂其車不可謂  
無暇也依違言之謂未必全無暇也汝不遑舍則多  
出汝脂車則又將出因其出而一來見我又何害乎  
今屢出而不來見我是可疑矣

爾還而入

還音旋

我心易也

易音異

還而不入否難知也壹

者之來俾我祗也

祗音祁○箋曰祗安也

爾方往見王之時固未暇見我既見王而還若入見  
我則我心平易無疑矣爾還而不入見我則謂不諧

我為難知也見王而還之時既不見我他時一來我心亦安然竟不一來安能使我無疑乎反覆委曲以責之故舊之情也

伯氏吹塤

音暄

仲氏吹簫

音池

箋曰伯仲喻兄弟也○傳曰土曰塤竹曰簫○疏曰春

官小師職作塤古今字異耳注云塤燒土為之大如鴈卵鄭司農云塤六孔釋樂云大塤謂之韶音叫孫炎云音大如叫呼也郭璞云大如鵝子銑上平底形似秤錘小者如雞子釋樂又云大簫謂之沂郭璞云簫以竹為之長尺四寸圍三寸一孔上出徑三分橫吹之小者尺二寸即引廣雅云八孔小師注鄭司農云簫七孔蓋不數其上出者故七也世本云暴辛公作塤蘇成公作簫譙周古史考云古有塤簫尚矣周幽王時暴辛公善塤

蘇成公善箴世本之謬信如周言及爾如貫箋曰如物其云蘇公暴公所善亦未知所出之貫也○蘇氏曰如貫諒不我知朱氏曰諒誠也出此三物傳

弁貫珠皆以繩結之三物豕犬雞也民不相信則盟詛之○疏曰隱十一年左傳云鄭伯使卒出駮行出犬雞以詛射穎考叔者駮即豕也司盟云盟萬民之犯命者詛其不信者是不相信有盟詛之法也盟大而詛小皆殺牲挿血告誓明神後若背違令神加其禍使民畏而不敢犯襄十一年左傳季武子將作三軍盟諸僖閔詛諸五父之衢定六年既逐陽虎及三桓盟於周社盟國人於臺社詛諸五父之衢駮音加俗作駮行音航父音甫以詛爾

斯詛側  
助反

六章乃直以義責之也我始與汝義同兄弟兄吹壘

而弟吹簫言唱和以相應也勢相次比如物在繩索之貫言聯事合治也汝豈誠不我知而譖我汝若不譖我則出犬豕雞三物以盟詛要之於神可也蘇公之義直矣

為鬼為蜮

或域二音。傳曰蜮短狐也。疏曰洪範五行傳云蜮如鼃三足生於南越南越婦人多

淫故其地多蜮。淫女惑亂之氣所生也。陸璣疏云一名射影。江淮水皆有之。人在岸上影見水中投人影則殺人。故曰射影。南人將入水先以瓦石投水中令水濁。然後入。或曰含沙射人。皮膚其瘡如疥是也。

則不

可得有醜面目

醜音腆。傳曰醜。姑也。姑音活。疏曰孫炎云醜與姑皆面見人之貌也。○李

氏曰後世用此句視人罔極作此好歌以極反側疏曰

者以為愧恥非也  
者翻覆不  
正直之意

末章峻辭責之不復含隱也言鬼無形而禍人蜮潛  
伏沙中射人之影汝若是鬼是蜮則我不得而見汝  
汝亦人耳醜然以面目與我相視無窮極汝之譖我  
何顏見我乎我與汝同僚有夙昔之好而汝反覆傾  
側如此故我作此歌以究極汝反側之情狀也暴公  
無所逃責矣

何人斯八章章六句

巷伯刺幽王也寺人傷於讒故作是詩也

蘇氏曰巷伯即寺人是也

○曹氏曰周官寺人王之正內五人掌王之內人及女宮之戒令注云寺之言侍也正內路寢也侍王於路寢之內蓋奄人也巷永巷也內人之所居伯長也其官為寺人而職長永巷故寺人而稱巷伯焉

萋兮斐兮

萋音妻斐音匪○傳曰萋斐文章相錯也○曹氏曰萋如芥木萋止之萋斐如斐然成章

之成是貝錦

傳曰貝錦錦文也○箋曰文如餘泉餘蜚之貝文也蜚音遲○疏曰釋魚說貝文狀

云餘蜚黃白文餘泉白黃文李巡云餘蜚貝甲黃為質白為文彩餘泉貝甲白為質黃為文彩陸璣云貝水蟲也其文彩之異大小之殊甚衆古者貨貝是也彼譖人者亦已大甚

大音泰

首章言讒人織成已罪也錦文如貝由萋兮斐兮錯雜衆采織而成之也甚之者言為禍痛深疾之之辭

哆兮侈兮

哆昌者反○說文曰哆張口也○蘇氏曰哆侈皆張也

成是南箕

傳曰南箕

箕星也○箕曰箕星踵狹而舌廣○疏曰二十八宿有其星無南箕故曰南箕即箕星也○南箕解見大東

彼譖人者誰適與謀

箕曰適往也

次章言所讒無實也箕東方之宿考星者多驗於南方故曰南箕箕星以哆然侈然其口張大而成其名耳錦之萋斐由人所織故以喻人織成已之罪箕星

以其狀哆侈本非箕而得箕之名故以喻已之無事  
實而虛成其罪若曰錦織已成則實已為錦如已為  
有罪之人無可復言矣若箕星名為箕而實非箕不  
難辯也彼讒人者誰往就汝謀乎何為以虛名無實  
之事加於我乎○舊說以錦箕作一體說錦無本質  
而為人所織箕是本狀哆侈非人為之取義不同也  
緝緝翩翩音篇○傳曰緝緝口舌聲翩翩往來貌○說文曰緝緝績也謀欲譖人慎  
爾言也謂爾不信



三章四章述讒人情狀而戒之也接續增益緝緝然如女之績往來輕飄翩翩然如鳥之飛相與經營謀為讒譖而已爾讒人當謹慎其言無專飾虛為實虛言無實有時而敗露聽者將謂爾不足信矣

捷捷幡幡

音翻○錢氏曰捷捷利口貌○陳氏曰捷捷儼利貌幡幡反覆貌

謀欲譖言

豈不爾受既其女遷

女音汝

捷捷然儼利幡幡然反覆相與謀為讒譖上之人好聽讒豈不信受汝之言乎然汝能譖人人亦能譖汝

其禍將遷及汝矣

驕人好好

今曰好好甚言其好也

勞人草草

曹氏曰草草苟活而言也

蒼天蒼

天視彼驕人矜此勞人

五章訴之於天也譖人者得意而驕好而又好也被

譖者失所而勞草草忽遽也無可奈何而訴之於天

曰天其監彼驕人之大甚而矜閔此勞人之無辜乎

彼譖人者誰適與謀

朱氏曰甚嫉之故重言之也

取彼譖人投畀豺

虎

說文曰豺狼屬狗聲

豺虎不食投畀有北

傳曰北方寒涼而不毛

有北不

末章警大臣言讒將及之楊園下地以況卑人畝丘  
高地以況大臣欲陵畝丘則必道楊園言將譖大臣  
必始於卑人也

王氏曰讒人罔極不獨譖己而已也  
必將上及大臣骨肉但先自己始也

故曰凡百君  
子敬而聽之

卷伯七章四章章四句一章五句一章八句一  
章六句

詩緝卷二十一